

CAES. BARONII

S. R. E. PRESBYTERI CARD.

TIT. SS. NEREI ET ACHILLEI

Sedis Apostolicæ Bibliothecarij

Paranesis

Ad Rempublicam Venetam.



ΔΗΛΟΣ



ΝΙΚΗ



R O M A E

M. DC. VI.

C. A. E. S. B. A. R. O. N. I. I.

SECT. APOSTOLICA BIBLIOTHECA

TRANSIT

Ad Republicanam Venetiam.



N. I. K. H.

ΔΗΛΩΣ

R. O. M. A. E.
M. D. C. VI.

CAES. BARONII

S. R. E. PRESBYTERI CARD.

TIT. SS. NEREI ET ACHILLEI

Sedis Apostolicæ Bibliothecarij

Parænesis

Ad Rempubicam Venetam.



Oleo vehementer, quod hortaturus vos, quos plurimum diligo, nullis tamen salutationibus, quæ communicatorijs ac pacificis ^a litteris inter Ca- ^a *August. epist.*
tholicos, Catholica communicatione coniunctos, ^{162.}
in concordia symbolam præfigi consuevere, more maiorum, permulcere liceat: sed salutationibus intercisis, non aliter, quam si ad homines extra

Christianam religionem errantes Gentiles ipsos scribendum foret, vobiscû agere fas sit: iubente id potissimû Domino ^b nostro Christo ^b *Matth. 18.*
IESV, vt qui Ecclesiam non audierit, sit nobis tamquam Ethnicus & Publicanus. cum tamen his infelicibus vos ipsos reddideritis infeliciores; siquidem non solum Ecclesiam non audistis, sed spreuistis, contempsistis, ignominia summa insuper affecistis, publicis datis litteris, omni execratione dignissimis, quas tamquam ostentum Ecclesia vniuersalis exhorruit, & vt monstrum excussit. Quis Orthodoxorum, timens Deum, qui legat vestras litteras contemptu plenas, non statim offensi numinis zelo exarsuans, ex intimis præcordijs in propheticum ^c illud erumpat: Obstupescite cæli super hoc, & portæ eius ^c *Ierem. 2.*
desolamini vehementer,] cum portæ ^d inferi adeo extolluntur contra Regnum cælorum, quod est Ecclesia, ac ipsum Dominum? At si- ^d *Matth. 16.*
cut omnium in Deum bellum gerentium certus est casus, ita nec dubia ruina, secundum illud sacrarum sententiarum: ^e Qui in altum ^e *Ecclesi. 17.*
mittit lapidem, super caput eius cadet.]

Cum igitur ea sit communis vox exclamantium in vos Orthodoxorum: silere ne potuerunt sanctæ Romanæ Ecclesiæ Cardinales, ad quos non solum sui capitis, ipsius Romani Pontificis defensio spectat, sed qui cuiuscumque pro Ecclesiastica libertate tuenda laborantis suscipere patrociniū teneantur, ita ad eos martyrij candidato scribente, & iam sanguinis voce clamante S. Thoma Cantuariensi Ar-

*a Cod. Vat. in
app. ep. S. Tho.*

chiepiscopo: ^a Qua conscientia dissimulatis iniuriam Christo illatam in me, immo & in vobis, qui Christi vicem gerere debetis in terra? Nonne causa mea simul vestra est? immo penitus vestra, tueri videlicet tuentes Ecclesiasticam immunitatem?] Tanto igitur clatius excitati, hortationem aggredimur, sed quæ me prius doloris iaculis feriat, & vos pungat reprehensionis aculeis ad salutem paratis. ita enim dicat exuberans dilectionis affectio, qua sitis salutem vestram in visceribus Christi: Unde & huius serie exhortationis emanat, nempe de corde ^b puro, conscientia bona, & fide non ficta.

b 1. Tim. 1.

Quamobrem occurrentes vestræ manifestæ perditioni, hisce vos (vt in re valde seria) diuinis oratulis compellare compellimur: Quare ^c auersus est populus iste in Ierusalem auersione contentiosa? Apprehenderunt mendacium, & noluerunt reuerti. Attendi & auscultauimus, nemo quod bonum est loquitur: nullus est qui agat pœnitentiam super peccato suo, dicens: Quid feci? Omnes conuersi sunt ad cursum suum, quasi equus impetu vadens ad prælium.] Vt visus sit optasse, quod fugiendum esset maximum omnium malum. Auersio plane illa contentiosa est, qua diluenda peccata, ad pœnitentiam patefacta, atque damnata verbis ac scriptis, mira animi firmitate, immo dura obstinatione, ac furenti pertinacia defendi dicuntur ab omnibus, dum omnium nomine Senatorum litteræ aduersariæ promulgantur: cum tamen probe nouerimus, studia ista haud ab omnibus Senatoribus comprobari, immo prudentiorum sententijs condemnari, atque lacrymis deplorari. Et quamuis aduersantes dicant (quod ibidem subiicitur a Ieremia) Sapientes nos sumus, & lex Domini nobiscum est: in eos ipse ista retorquet, dicens: Vere mendacium operatus est stylus mendax scribarum.] Vt merito illis, quos eadem peccata perstringunt, vrgent, & damnant, timendum sit, ne eadem quæ ibi subiicitur diuinitus immissa vindicta in exterminium gentis illius, vos maneat, vt feriat, perdat, atque consumat. quod Deus a vobis auertat. Contingat enim me prius vita fungi, quam ista adeo funesta videre. Sumus, sumus, sicut & fuimus semper (testis est Deus) omnium vestrum amantissimi & studiosissimi, semper memores charitatis vestræ, qua nos excepistis, cū Venetias venissemus, vt quantumlibet immeritis, & peccator, de vobis tamen mihi sit propemodum prædicandum, quod Apostolus ait de Galatis: ^d Sicut Angelum Dei excepistis me, sicut Christum Iesum.] memores & frequentis per dies singulos concursus & accursus amplissimorum Senatorum, atque illustrissimorum magistratuum, nos convenientium, & (secundum illud Ioannis ^e) deducentium digne Deo.] cum & quadam amoris exuberantia coegistis, & extorsistis importune impertiri vobis aliquid gratiæ spiritualis in ministerio verbi Dei, vt sic penes vos nostri apostolatus licet indigne perfundi remanserint qualiacumque impressa vestigia. Currebatis ^f bene, quis vos impediuit ve-

ritati

d Galat. 4.

e Ioan. ep. 3.

f Galat. 5.

ritati non obedire? (sic vos arguam verbis Apostoli.) Vtinam absceindantur qui conturbant vos, & mergunt in profundum abyssi, ipsum imum barathrum peccatorum, quod est disciplina contem-
ptus. sic enim in sacris oraculis scriptum est: ^a Impius cum in pro- *a* *Prov. 18.*
fundum venerit peccatorum, contemnit.]

Ad quod puniendum siue expiandum delictum, quo ipse peccans
perpurgari nolit inuitus, quod non accuset, magis autem defendat,
opus fuerit ecclesiastico constatorio censurarum (Est enim ignis in
Sion, & caminus eius in Ierusalem) ad combustionem peccatorum. *b* *Isai. 31.*

In qua quidem fornace sic ardet ignis, ut purget, non autem consu-
mat nisi peccatum. Nam & ^c Corinthius ab Apostolo in hanc est for- *c* *1. Cor. 5.*
nacem immisus, in interitum carnis, ut spiritus saluus sit in die Do-
mini. ita plane ubi bono remedio utitur bene patiens, accidit iuxta

illud Proverbiorum: ^d Aufer rubiginem de argento, & egredietur vas *d* *Prov. 25.*
purissimum: aufer impietatem de vultu Regis, & firmabitur iustitia
thronus eius.] fiatque quod & per Isaiam est pollicitus eidem popu-
lo suo, dicens: ^e Conuertam manum meam ad te, & excoquam ad *e* *Isai. 1.*
purum scoriā tuam, & auferam omne stannum tuum, & restituum

iudices tuos, ut fuerunt prius, & consiliarios tuos, sicut antiquitus.
Post hæc vocaberis Civitas iusti, Vrbs fidelis.] Ita quidem agitur
res feliciter, si qui ad purgandum in constatorium mittitur, non con-
tradicat, nec augeat potius resistendo peccatum. Est enim tantæ of-
ficinæ opifex Deus, idemque ignis Dominus noster Iesus Christus,
quod ^f Malachiæ diuinitus ostensum est, qui ait: Ipse quasi ignis con- *f* *Malach. 3.*
flans, & quod subdit: Sedebit conflans & emundans argentum.]

Qui & docuit ista suos Apostolos: ^g Omnia, inquit, quæ audiui a *g* *Ioan. 15.*
Patre meo, nota feci vobis] & collaborat vna cum ipsis. Nam
hæc ad eos: Vobiscum sum usque ad consummationem sæculi.] Præ-

sciens vero operi Petrum, hæc ad eum: ^h Tibi dabo claves regni cæ- *h* *Matth. 16.*
lorum. Quodcumque ligaueris super terram, erit ligatum & in cæ-
lis: & quodcumque solueris super terram, erit solutum & in cælis.]
& spondens affore iugitur præsentia sua ait: Vbi fuerint duo vel tres
congregati in nomine meo, ego in medio eorum sum.] & contestans,
se etiam non solum cum suis, sed & in suis esse, adiicit: ⁱ Qui vos au- *i* *Luc. 10.*
dit, me audit, & qui vos spernit, me spernit.]

Vnde summa fiducia, qui diuinitus ab eo ipsius successor subroga-
tus est Paulus, Pauli his potuerit ac debuerit uti verbis: ^k An expe- *k* *2. Cor. 13.*
rimentum quaeritis eius qui in me loquitur Christus? Quibus est
vfu verbis Apostolus, cum comminatus est supplicium Corinthiis
delinquentibus, ut sciret Ecclesia, vltori scelere assistere Deum
Episcopo, eius honorare ministerium, approbare auctoritatem. Hoc
vniuersorum sanctorum Patrum concilium probat: quod denique
scriptor suorum temporum luculentissimus Petrus ad Cælestinum
Pontificem scribens, his verbis insinuat: ^l Princeps Apostolorum *l* *1. Petr. Blasoph.*
adhuc *146.*

adhuc in Apostolica Sede regnat & imperat, & in medio est constitutus iudiciarius rigor. Illudq. restat, vt exeratis in maleficos, Patet, gladium Petri, quem ad hoc constituit super gentes & regna. Christi Crux antecellit Cæsaris aquilas: gladius Petri gladio Constantini, & Apostolica Sedes præiudicat Imperatoriæ potestati. Vestra potestas a Deo est, an ab hominibus? Nonne Deus deorum locutus est vobis in Petro Apostolo, dicens: * Quodcumque ligaueris super terram, erit ligatum & in cælis: & quodcumque solueris super terram, erit solutum & in cælis?] Non ergo degenerat in herede Petri dignitatis Apostolicæ reuerenda successio.

a *Matth. 16.*

Paulus igitur, idemq. Petrus, vicem Christi agens in terris, suorum sanctissimorum prædecessorum exemplo, salubre, idemq. necessarium ad salutem remedium est operatus in vobis, iam in certum prolapsis interitum, quo Imperatores & Reges eodem morbo duræ pertinaciæ laborantes redditi sunt pristinæ sanitati, & inter alios, qui penes vos curatus est Fridericus Aenobarbus, diuturnus & obstinatus hostis Ecclesiæ; cupidissimusq. idem Pontifex vestræ salutis, salutaria vincula parauit, ad perpurgationem conflatorium amoris incendit, cum in vos tonitruum instat calicis lapsi ad perterrendum, potius quam ad perdendum, salubrem sententiam excommunicationis intorsit in sacro illo eodemq. pleno fratrum confesso, vniuscuiusque rogata sententia. Tunc plane accidit secundum illud propheticum: b Commota sunt superliminaria cardinum a voce clamantis.] cum nimirum sacro suffragio reuerendissimorum S. R. E. Cardinalium eadem sententia diuersis rationibus stabilita, disertis verbis asserta, magna animi constantia confirmatur ab omnibus, & roboratur: quod scirent omnes, a Deo decretum, quod esset per eius Vicarium promulgatum summa prudentia, atque scientia. sic namque ipsi, rem tantam agentes maiorum suorum exemplo, memores patriæ vocis, qua olim c Romanus Clerus ita litteris contra ingruentes schismaticos sanctum allocutus est Cyprianum: Absit ab Ecclesia Romana, vigorem suum tam profana facilitate dimittere, & nervos seueritatis, euersa Fidei maiestate, dissoluere &c.] Sicq. pristinum retinuerunt cum sano capite coniuncta membra vigorem. Factum est igitur, vt quod maiorum exemplo fuerat faciendum, & facientibus bene cessisse sciretur.

b *Dan. 4.*

b *Apud Cyp. epist. 31.*

At hic (quod lamentatus est d Ieremias) defecit sufflatorium, in igne combustum est plumbum. Frustra confluuit conflator; malitiz enim eorum non sunt consumptæ.] & quod queritur c Ezechiel dicens: Multo labore sudatum est, & non exiuit de ea nimia rubigo eius neque per ignem. Immunditia tua execrabilis, quia mundare te volui, & non es mundata a sordibus tuis. Ego Dominus locutus sum.] Quibus ita peccantibus alterum de duobus euenire solet, & quod terribilius, illud, vt istiusmodi a Deo penitus deferantur, secundum

d *Ierem. 6.*

e *Ezech. 24.*

eundem illud diuinum oraculum: ^a Curauimus Babylonem, & non est sanata: derelinquamus eam.] Vt sit maxima omnium illa comminatio, quam intulit in furore suo per Ezechielem: ^b Requiescet indignatio mea in te, & auferetur zelus meus a te, & quiescam, nec irascar amplius.] Vnde & deducta vulgata illa antiquorum ore sententia, a priscis etiam Gentilibus tamquam axioma recepta: ^c Nihil esse infelicius felicitate peccantium,] ab antiquis etiam Christianæ religionis ^d tractatoribus pariter vsurpata. Alterum vero totum misericors & peccantibus maxime vtile: nempe vt qui in consistorio Ecclesiæ sancto pioq. ipsorum repugnante malitia, & aduersante proteruita, mundari non meruerunt, in aliam longe ardentiorum, manibus hostium præparatam, incensamq. hostilibus flammis fornacem comburendi mittantur, vt factum est populo Iudæorum, cum eorum ciuitas cum templo in direptionem, combustionem, & desolationem; ipsi autem dati sunt in captiuitatem Assyriorum, ad quos ista declamauerat iussu Domini Propheta sanctus: ^e Eo quod versifistis omnes in scorum, propterea ecce ego congregabo vos in medio Ierusalem, vt succendam in ea ignem ad conflandum. sic congregabo in furore meo, & in ira mea, & requiescam: & conflabo vos: & congregabo vos, & succendam vos in igne furoris mei, & conflabimini in medio eius &c.] quæ hæc & alia ibi populi immensa mala; quæ tamen & exoptanda magis fuerint, quam relinqui miseros obstinate peccantes, maiori ira Dei in æternum plectendos.

At quid profuit, quod tu, confringens iugum Domini, & rumpens vincula ipsius, dixisti: ^f Non seruiam?] cum ista conuertantur in damnum tuum, sicut populo illi, qui ligneas ^g confringens catenas, expertus est ferreas. Sic (inquiens Dominus) malitia tua ^h arguet te, & auersio tua increpabit te, & scito, quia malum & amarum est reliquisse te Dominum Deum tuum.] Vis scire quam malum ex verbis Domini facile est subducere rationem. Qui contestatus, ne vel vnus ex pusillis qui in eum crederent, contemni deberet, est comminatus supplicium quam acerbissimum in eum, qui scandalizauerit ⁱ vnum de pusillis: adeo vt ne in illud incurreret, expediret potius, vt suspenderetur mola asinaria de collo eius, & demergeretur in profundum maris. Quæ, rogo, pœna manebit peccantem in maximum, si ita horrenda atque terribilis teneat eum, qui peccauerit in pusillum? vnde merito tunc illud Dominus exclamauit: Vx mundo a scandalis.]

Vis adhuc scire quam amarum prophetica veluti in te conuersa oracula intueri. Est namque sermo Dei gladius vtraque ^k parte acutus ad feriendum, sicuti anteriora, etiam posteriora: vt vbi par culpa, par feriat quoque vindicta. Ieremiam itaque ^l audi & pauesce, dicentem: Quæ habitas super aquas multas, locuples in thesauris, venit finis tuus pedalis præcisionis tuæ.] Præcisam namque te pedali

^a Ierem. 51.

^b Ezech. 16.

^c Senec. de diuin. prou. c. 3. ex Demetrio.

^d Origen. in Ps. riar. Hieron. epist. 33.

^e Ezech. 21.

^f Ierem. 2.

^g Ibid. 28.

^h Ierem. 2.

ⁱ Matth. 18.

^k Apoc. 1.

^l Ierem. 51.

a Cyprian. epist. 55.
b Idem de Unit. Eccl. Cath.
 dali præcisione a trunco per excommunicationis sententiam constat. Posthac bona quænam speranda? & mala quæ non timenda? a radice præciso ramo quis ulterius viror? Radix est namque ex sententia ^a Cypriani ipsa Romana Ecclesia, quæ plurimo germine se diffundens in arborem, in Catholicam crescat, e qua si præciditur ramus, arescit ad ignem. Ipsa quippe omnium in terra mater, ut Deus in cælo Pater. Adeo ut eiuſdem ^b sententia Martyris, habere non possit Deum Patrem, qui non habet Ecclesiam matrem,] Romanam intelligens, dum ait, quod in Petro vna Christi Ecclesia, vna Cathedra demonstratur. Vides igitur quam amarum, præcisam te ab Ecclesia, præcisam esse pariter a Domino Deo tuo? Hæc vero damna vestra duplicantur mensura conferta & coagitata, si non sentitis ea vestra colla prementia; sed si contemnitis, centuplicantur ipsa, immo crescunt in infinitum. quæ tanta mala ut caueatis, hortamur, rogamus magis, & exoramus.

c Jerem. 2. 3. Sed quoniam vos, ut olim auersatrix ^c Israel incredibili aduersus Deum contendens pertinacia, adhuc insane dicebat: Absque peccato, & innocens ego sum.] cum Deus ad eam: Ego iudicio contendam tecum, eo quod dixeris: Non peccaui,] vos, inquam, excusantes excusationes in peccatis, immo defendentes, & redarguentes qui iuste redarguunt, Deo pugnaciter & Ecclesiæ resistitis: prouoco vos ad prima Christianæ Fidei rudimenta, immo ad ipsius Naturæ cunabula, a quibus aberrantes, per deuia ferri, inferriq. in abrupta precipitia sit necesse.

Iure namque diuino atque humano sacra a profanis esse debere, distincta, & diuersæ censei penitus rationis: norunt omnes, adeo ut de his nulla dubitatio esse possit. Sacra autem quam illæsa voluerit Deus in sua Ecclesia conseruari: cum plurima suppetant ex diuinis Scripturis exempla, vnum vel alterum tantummodo referemus, ut sic breuiter causam absoluamus. Quo enim ista cuique hominum magis paterent ad sensum, voluit Deus abissimi parietis interstitio sacras ædes a profanis esse in templo diuisas, vsque adeo, ut nequaquam Regibus liceret illum a Deo constitutum terminum transilire, sed neque eidem appropinquare absque numinis offensa grauissima. Hinc vehemens illa querela Domini in ^d Ezechiele aduersus Reges Iudæ: Fabricati sunt, inquit, limen suum iuxta limen meum, & postes suos iuxta postes meos (& murus erat inter me & eos) & poluerunt nonien sanctum meum &c.] Si igitur non licuit Regibus appropinquasse termino præstituto inter sacra atque profana: quomodo in eum irumpere, & suos intra sacra septa erigere parietes licuisset? Ita plane erudiens Principes, longe diuersa esse inter se iura temporum, atque regnorum. Quod omnibus considerandum proponi volens Deus, sic alloquitur Ezechielem: Tu autem, fili hominis, ostende domui Israel templum; & confundantur ab iniquatibus

bus suis, & metiantur fabricam, & erubescant quæ fecerunt.] Ita plane fiet, ut & vos ista metientes, erubescatis; unde & magis poeniteat, non solum limen & postes iuxta sacrum parietem extruxisse, sed sacrum dissipasse, & vestrum erexisse, dum quæ sunt Ecclesiæ iura peruasistis, quamobrem in vos illud accipite dictum ab Isaia: ^a *Erit a Isai. 30.* vobis iniquitas hæc sicut interruptio cadens, & requisita in muro excelso, quoniam subito, dum non speratur, veniet contritio eius, & comminuetur sicut conteritur lagena figuli contritione perualida, & non inuenietur de fragmentis eius tellus, in qua portetur igniculus de incendio, aut hauriatur parum aquæ de fouea.] Sed ne hæc ista, hortamur, anteuertite precibus & poenitentia.

Hæc de muro ex veteti Testamento, quæ in figura contingebant illis, in Nouum transferenda esse spiritali sensu monemur, sed latiori mensura. Etenim in Christi Ecclesia non murum unum tantummodo diuidentem inter sacra atque profana positum esse scimus, sed murum & antemurale, ut cecinit suo cantico Isaia, dicens: ^b *Saluator ponetur in ea murus & antemurale. Aperite portas, & ingrediat* b *Idem 26.* *gens iusta custodiens veritatem,] non autem profanans sacra, diuina conculcans, temerans sancta, & dissipans Sanctuarium, quæ cum intus fuerit, iubetur proijci ab ecclesia, secundum illud Apocalypsis: ^c Foris canes, & venefici, & impudici, & homicidæ, & idolis seruientes, & omnis qui amat & facit mendacium.] in quorum sortem conijcit idem ^d Isaia, qui leges iniquas statuunt, dicens: *Vz qui condunt leges iniquas; & scribentes, iniustitiam scripserunt. Quid facietis in die visitationis, & calamitatis de longe venientis? ad cuius confugietis auxilium? & ubi derelinquetis gloriam vestram, ne incurramini sub vinculo, & cum interfectis cadatis?] hæc tanta mala aggregata audiuius, exigente diuina vindicta, in condentes leges iniquas. Sed quid si addatur, præscribi eas & non subditis? plane tyrannicum esse, vno omnes ore clamabunt. Et si apponatur, & sacris? nomen sacrilegorum non effugient. Quod tantum crimen mox præcipuum sensit ^e Petrum vltorem. cui non satis visum in violationem facinoris eiusmodi delinquentes sententia anathematis ab Ecclesia separare; sed in terrorem credentium voluit eos interfecisse spiritu oris sui, ita horribili delinquentium poena sanciens in Ecclesia disciplinam, ne dicata semel saltem mentis propositio dona Deo, quis impie auderet attingere. Quod plane eo redditur execrabilius scelus, si lege firmetur, ut iure fieri videatur, quod contra ius diuinum etiam usurpatur. Stent igitur altissimi iidemque fortissimi diuidentes sacra a profanis exaltati a Christo parietes, quibus Imperia sunt diuina lege distincta, ut ^f quæ sunt Cæsaris Cæsari, & quæ sunt Dei Deo reddantur, ne quid a Principibus aduersus personas Deo dicatas, vel bona eidem oblata, aut iura ipsi debita vendicetur.* f *Matth. 22.**

In quibus attendite quotupliciter deliquistis, cum primo leges fancieritis in non vobis subditos homines Deo sacros; deinde quod iuleritis eas aduersus loca sacra, & res sacras, nempe bona Deo dicata; ac quod denique iura sacra, vt vestra statueretis, penitus euerteritis, & quidem non sine magno periculo lædendæ Catholicæ Fidei, in confundendo, immo euertendo ordinem hierarchicum, a Deo in ipsa Ecclesia Catholica antiquitus institutum, a Christo confirmatum, prædicatum ab Apostolis, assertum in Concilijs, roboratum traditione, cultuq. receptum ab omnibus orthodoxis Principibus, & alijs cunctis inferioris ordinis Christianis. Quæ enim (inquit Apostolus *) sunt a Deo, ordinata sunt.] interuertitur quidem ordo hierarchicus, si quæ sunt alterius, alter sibi perperam sumat. De huiusmodi enim idem Apostolus, qui fixos terminos sacros transgrediuntur, hæc ait: Ignorantes enim iustitiam Dei, & suam quærentes statuere, iustitiæ Dei non sunt subiecti,] vt pote redditæ malo opere iniustissimi.

a Rom. 13.

b Ibid. 10.

Quid igitur vobis arrogatis de iuribus ecclesiasticis sancire leges, easdemq. aduersarias legibus ecclesiasticis, quandoquidem laicis inconcessum sit etiam proficuas præscribere de his leges? Audite quid in Romano Concilio sub Simplicio Papa fuerit astitatum, vbi agens Basilius vicem Odoacri Regis, legem tulit de non alienandis bonis ecclesiasticis: cui vos contrariam promulgatis, vt alienari omnino debeant. Intercessit enim tunc Maximus Bleranus Episcopus, qui conuersus ad sanctam Synodum dixit: De me licuit laico legem dare? Respondens sancta Synodus, dixit: Non licuit, & recitata in Synodo ipsa lege, hæc de ea Eulalius Episcopus Syracusanus: Scriptura, quæ in sacro Concilio est recitata, nempe constitutio de non alienandis bonis ecclesiasticis, euidentissimis documentis constat esse inualida. Primum, quod contra Patrum regulas a laicis, quamuis religiosis, quibus nulla de ecclesiasticis facultatibus aliquid disponendi legitur vmquam attributa facultas, videtur. Deinde, quod nullius Præfulis Apostolicæ Sedis scriptione firmetur &c.] Si istas neruosas adeo antiqui Patres nostri in Romano Concilio aduersus laicos legislatores dixerent sententias: tolerabimus nos latas a vobis leges iniustas, atque damnosas, bona ecclesiastica dissipantes? cum latas a Regibus pro eorumdem conseruatione proficuas, ea tantum ratione, quod non esset laicorum præscribere sacerdotibus leges, Patres continuo abrogarunt?

Quam autem fuerint cauti posteriores orthodoxi Imperatores Occidentales, ne quid inconsulto Romano Pontifice statuerent in Ecclesia, etiam si pro Ecclesia: deducantur in exemplum vertices illi secularis potentia, toto orbe conspicui, Christianissimi Imperatores Carolus Magnus, & Ludouicus Pius, qui summa religione colloquentes in vnum diligentia sanctorum monachorum leges ecclesiasticas

Ricas suis admixtas: nonnisi eas prius recognitas ab Episcopis, probatas vero ab Ecclesiæ Romanæ Pontificibus, edere præsumpserunt, prout ex eorumdem præfationibus constat. Qui plane nihil antiquius semper habuerint, quam ecclesiasticam libertatem, in primis vero auctoritatem primariam Romanæ Ecclesiæ sartam tectam posteritati mandare. Hinc illud apud eos: ^a Constitutiones contra canones & decreta Præfulum Romanorum, seu reliquorum Pontificum, vel bonos mores, nullius sint momenti.] & inferius de auctoritate Papæ super omnes Episcopos: ^b Comprovincialis Synodus retractetur per Vicarios Urbis Romæ Episcopis, si ipse decreuerit.] Quod si quid criminofum per clericos committi contingeret; quid in eos agendum, censet Carolus cum Episcopis Romanum Pontificem consulendum. itidem, ne quid graue, inconsulto Romano Pontifice ageretur: & Si maiores causæ in medio fuerint deuolutæ: ad Sedem Apostolicam (vt sancta Synodus statuit, & beata consuetudo exigit) incunctanter referantur.] Si hæc ergo, quæ in fauorem Ecclesiæ sanctæ essent, non absque confirmatione summi Patris Romani Pontificis edere præsumpserunt Imperatores Christianissimi: qua fronte alij, quorumve exemplo, nisi Iuliani Apostatæ, vel aliorum tyrannorum, aduersarias sanctæ Ecclesiæ iuribus leges scribunt, & promulgant? Audite post alios ex Ioanne Damasceno, quorumnam sit iura ecclesiastica condere, cum post multa eodem argumento tractata subiicit ista: Regum est ciuilis administratio; ecclesiastica vero constitutio pastorum atque doctorum.] & inferius: Non suscipio Regem sibi sacerdotium per tyrannidem vendicantem.] & post enumeratos Imperatores Orientales tyrannice rem agentes subdit: Non regijs regulis, sed Patrum institutis tam scriptis, quam non scriptis, Ecclesiam censeo constitui, & gubernari debere.]

^a Capitul. lib. 7. c. 26. 267.

^b Lib. 5. c. 33.

^c Lib. 7. ep. 187.

^d Ioan. Dama. de imag. erat. a.

Sed audite optimi Imperatoris Basilij Macedonis verba, & exempla imitamini, ita in Octaua Synodo œcumenica Catholicos laicos alloquentis: De vobis autem laicis, tam qui in dignitatibus, quam qui absolute conuersamini; quid amplius dicam, quam quia nullo modo nobis licet de ecclesiasticis causis sermonem mouere, neque penitus resistere integritati Ecclesiæ, & vniuersali Synodo aduersari. Hoc enim inuestigare & querere, Patriarcharum, Pontificum, & sacerdotum est, qui regiminis officium sortiti sunt, qui sanctificandi, qui soluendi & ligandi potestatem habent, qui ecclesiasticas & cælestes adepti sunt clauis: non nostrum qui pasci debemus, qui sanctificari, hoc est benedici, qui ligari, vel a ligamento solui egemus. Quantæcumque enim religionis & sapientie laicus existat, vel etiam si vniuersa virtute intus polleat, donec laicus est, ouis vocari non desinet. Rursus Episcopus quantæcumque sit irreuerentia plenus, & nudus omni virtute, donec Antistes est, & veritatis verbum.

recte prædicauerit, pastoris vocationis & dignitatis damna non patitur. Quæ ergo nobis ratio est in ordine ouium constitutis pastores verborum subtilitate discutiendi, & ea quæ super nos sunt, quærendi, & ambiendi? Oportet ergo nos cum timore & fide sincere hos audire, & facies eorum vereri, cum sint ministri Domini omnipotentis, & huius formam possideant, & nihil amplius, quam quæ nostri ordinis sunt, requirere. Nunc autem, ut videmus, adeo multos malitia in insaniam accendit, ut obliuiscens proprii ordinis, & quod pedes sint, minime cogitantes, legem ponere velint oculis, non ut natura se habet.] & inferius: Itaque moneo & exhortor omnes qui tales sunt, ut maledictum & alternum odium auercentes, & iudicare iudices desinant, attendant sibi, & secundum diuinam voluntatem conuersari contendant. Nam non quiescet supremum iudicium, sed contra dissidentes diuinus furor stillabit, & iustam ultionem opere cunctis ostendet.] hæc Basilius. Quæ paulo fufius ad verbum retulisse volumus, ut tanti Imperatoris exemplo intelligatis, quam reuerentiam & obedientiam rebus ac personis ecclesiasticis exhibere debeatis. Sed alia innumerabilia eaq. clarissima in hoc genere exempla breuitatis causa recensere prætermittimus.

Est autem illud omnino falsum, quod ad peccati excusationem affertis; id ipsum scilicet scditatum a vestris antecessoribus, qui se nemini subijcientes, quod proficuum Reipublicæ videretur, hoc statuerent. At secus quidem illi, qui quod sibi scirent legibus ecclesiasticis inconcessum, nequaquam audebant decernere suis legibus, sed extorquendum putabant per Patriarcham, quod negandum sibi scirent a Romano Pontifice. In hoc sane vobis modestiores, quod non auderent condere leges de his, quæ nosset ad forum ecclesiasticum pertinere. Ut hæc autem euidentiori percipiatis exemplo, cum plures extant de his litteræ, vnæ illæ, quæ & breuiores, recitandæ hic erunt Innocentij Papæ III. datæ ad Patriarcham Constantinopolitanum, cinem Venetum, nuper creatum, cum ab iisdem Venetis simulq. Gallis ipsa Constantinopolitana ciuitas est capta anno Salutis millesimo ducentesimo quarto. Sic enim se habent, uti leguntur in codice Actorum eiusdem Pontificis: qui ita incipit a ministro sibi a Deo credito in regimine vniuersalis Ecclesiæ:

Ad hoc (inquit) Deus Apostolicæ Sedis Antistitem, qui plenitudinem habet ecclesiasticæ potestatis, super gentes & regna constituit, ut iuxta verbum propheticum euellat & destruat, dissipet & disperdat, quæ in agro Dominico tux culturæ commisso inutilia repperit & nociua, iuxta quod alibi sibi præcipitur a Domino per Prophetam: ^b Dissolue colligationes impietatis, solue fasciculos depri-
mentes. Nos igitur attendentes iuramentum illud, quia prorsus illicitum, non esse seruandum; quod a te Venetijs constituto fuit a

Vene-

Venetis violenter extortum, sicut tua nobis insinuatio patefecit (vt videlicet neminem sis facturus Canonicum in ecclesia sanctæ Sophiæ nisi Vēnetæ nationis, vel qui continuè per decennium Venetijs habitasset: quodq. bona fide, modis omnibus, quibus poteris; laborabis, vt semper in ecclesia sanctæ Sophiæ sit de Venetijs Patriarcha, saluis tamen in omnibus Apostolicæ Sedis iure, auctoritate, reuerentia, & honore. licet hæc conditio staret adiecta, vt non sit in scriptis redacta), præsentium tibi auctoritate mandamus, & in virtute Spiritus sancti districte præcipimus, quatenus iuramentum illud nequaquam obserues, cum Sanctuarium Dei non sit hereditario iure ab aliquibus possidendum, sed in omni gente, qui facit iustitiam, acceptus est Domino: præcauens diligenter, ne post hoc Apostolicæ Sedis præceptum in præmissis articulis iterum delinquas. Qui si de cetero solos Venetos in ecclesia sanctæ Sophiæ Canonicos institueris, aut ad hoc impenderis operam qualemcumque, vt semper in eadem ecclesia sit Vēnetus Patriarcha, in ipsa non ponendo Canonicum, nisi iuret, quod numquam alium, nisi de Venetijs eliget, aut recipiet Patriarcham: nulla deinceps ratione super his poteris excusari. Sed nec illud obserues, quod absque iuramento diceris promississe, vt neminem Archiepiscopum præter Venetum in tota facies Romania. Ne vero prætextu iurationis canonicæ, aut cuiuscumque promissionis obtentu talia de cetero præsumantur, aut si præsumpta sint obseruentur: nos obligationes huiusmodi auctoritate Apostolica irritamus, sub interpositione anathematis prohibentes, ne quis ea obseruare præsumat: tibiq. præcipimus, vt id Canonicis sanctæ Sophiæ non solum instituas, sed etiam instituendo caute denunties, quatenus hoc nefas valeant euitare. Licet autem plus debueris Dominum timere, quam homines, ne iurares aliquid propter homines contra Deum: si tamen in illo iuramento per vim & metum extorto præscriptam adhibuisti cautelam, vt iuraueris, saluo in omnibus Apostolicæ Sedis iure, auctoritate, reuerentia, & honore: nos tibi delictum humiliter confitenti ex speciali gratia indulgemus, vt huiusmodi iuramentum nullum tibi possit præiudicium generare, dummodo præceptum, quod salubriter tibi facimus, ad saluandum ius, auctoritatem, reuerentiam, & honorem Apostolicæ Sedis, contra cuius statuta, ea quæ sunt iurata, redundant, fideliter exequaris.

Ceterum & si præscripta nobis a tuis Nuntijs secreto fuerint annuntiata: noueris tamen pro certo, quod quædam eorum certa relatione prius fuerant nostris auribus patefacta.] Hactenus litteræ Innocentij, quibus etsi non laudanda de maioribus vestris annuntiantur vobis, eos tamen reuerentiores fuisse, vt qui non ausi fuerint, vt vos facitis, de clericis leges sancire, satis apparet. Noueritis ex ipsd. dem pariter, haud adeo nouum, vt insurgant Romani Pontifices

tifices vindices aduersus vestros protuenda libertate ecclesiastica : ita quidem Innocentius.

Quí & si adeo redarguit Patriarcham penitentem, ad Romanam Ecclesiam supplicem confugientē, qua reprehensione, quibus comminationibus & censuris exagitasset vestros Præsules, quos non dixerim Episcopos tanto nomine indignos, sed mercenarios, immo nec hoc nomine honestandos, cum nec sibi fuga, vt assolent mercenarij, consuluerint, sed lupos potius nominandos, qui se lupo venienti coniunxerint, atque in gregis totius internecionem miscuerint. Quod nolim contumeliaz loco dictum accipiant: mendax arguar, nisi hoc ipsum Evangelica auctoritate constiterit; nam cum præstent ipsi, quod luporum est, lupos dici debere non renuant: est namque luporum oves dispergere, vt testatur ^a Evangelista: omnes autem schismaticos dispergere, Christi ^b Is v sententia illa firmatur, qua inquit: ^b Qui non est mecum, contra me est; & qui non colligit mecum, dispergit.] Quod iure in eius Vicarium transferatur, vt dispergere æque dicatur omnis, qui non colligit cum Romano Pontifice, nam audi Catholica Ecclesiaz tubam, sanctum ^c Hieronymum, scribentem ad Damasum Romanum Pontificem: Quicumque tecum non colligit, spargit. hoc est: Qui Christi non est; Antichristi est.] Pastorum vero est, Christo collaborare, pro eius grege ex aduerso consurgere, Principibus plus æquo sibi summentibus sacerdotali vigore resistere, constantia infracta reprehendere. quod & nauiter ab alijs omnibus Romanis Pontificibus aditatum secimus aduersus quoscuque Principes, vt continuo insurgerent legum Principum abrogatores vel correctores. Vt fecisse sanctus ^d Gregorius inuenitur, qui legem Maurij Imperatoris, cogentem ad militiam monachos, nonnisi emendatam promulgandam curauit. Præstiterunt & hoc ipsum alij inferiorum ecclesiarum Episcopi, & inter alios

^a Ioan. 10.

^b Luc. 11.

^c Hier. ep. 57.

^d Greg. lib. 2. ep. 62. & lib. 7. ep. 10.

^e Ambr. ep. 32. 33. vet. edit.

^f Cod. Theod. lib. 27. de Episc.

sanctus ^e Ambrosius acerrimus vindex ecclesiasticæ libertatis, ne inuaderetur ea aliquatenus a laicis quamuis Imperatoribus orbis dominis. Qui & legem trium Augustorum aduersariam ecclesiasticæ libertati Mediolani tunc promulgatam ^f reuocari coegit, & edi omni errore purgatam.

Sed quid singulos memorem? iam ex sacro œcumenico Concilio inferamus hic testimonium; ne quid Principes suis legibus sibi arrogent contra leges ecclesiasticas. In sacrosancto Chalcedonenſi Concilio cum causa Episcoporum ageretur, Eustathius Beryti Episcopus sic compellauit iudices cognitores: Num secundum canones ecclesiasticos, an secundum leges Imperatoris causa dirimenda esset? Tunc iidem interlocuti iudices, ista dixere: Sacratissimo domino orbis placuit, non iuxta sacras Imperatoris litteras & pragmaticos typos res sanctissimorum Episcoporum procedere, sed secundum canones a sanctis Patribus datos. Omni igitur cessante ^e sacris pragmaticis

maticis definitione: canones de hoc capitulo editi legantur.] hęc iudices cognitores, qui ad sanctam Synodum conuersi, hoc ipsum rogarunt, Vtrum ei placeat ex regulis Patrum huius causę questionem examinari, an ex sacris pragmaticis? sancta Synodus dixit: Contra canones nihil pragmaticū valebit, regulę Patrum teneant.] hęc ibi, atque modo satis de his quę generatim spectant ad leges Principum, latas de rebus atque personis ecclesiasticis: Nunc autem speciatim (vt cominus rem agamus) descendamus ad eas, quas vos sanxistis aduersus ecclesiasticam libertatem, quarum causa ab Ecclesia Catholica sententia excommunicationis iustissime excisi estis.

Redarguimini in primis litteris Apostolicis sanxisse legem, qua cauetur, ne personę ecclesiasticę secularēs & regulares in bonis ecclesiasticis a laicis possessis sub quouis titulo; aut colore; iure prælationis, seu consolidationis directi cum vtili dominio; aut extinctionis lineę, aut alia quauis causa bonorum prædictorum proprietatem sibi vendicare vilo vñquam tempore possint. Hoc est decretum in consilio vestro firmatum, quo iura humana pariter ac diuina subuertere nitimini. nam cum & prædones ab iniusta possessione exturbare sit vetitum, quomodo Christo ius acquisitum tollere præuuleris? Verum caput hoc ad emphyteuses spectans superfluum fuerit attigisse, eo quod a vobis veluti causa cadentibus, in vestris est litteris prætermisum, iam euicta causa vestro silentio: & quidem prudenter a male cęptis desistentibus, manus dantibus. Quod si in reliquis id ipsum præstitissetis, vere sapientium specimen numquam obliuione delendum posteris edidissetis, quibus tantopere frustra laboratis præscribere leges Deo penitus aduersarias.

Exagitimini insuper litteris Apostolicis, per vos statutum, Ne quis ecclesias, monasteria, hospitalia, atque alias religiosas domos Venetijs, & vbique locorum dominio vestro subiectorum sine vestra speciali licentia fundet & erigat. Quam autem contra ius, fasque id præsumpseritis, quę dicturi sumus, vos commonebunt. * Clamat S. a Ambrosius, cum vel vnā saltem ecclesiam in amplissima Mediolanensi ciuitate Valentinianus orthodoxus Imperator exposceret, & in negatam irrumperet, inquit: Domum priuati nullo potes iure temerare; domum Dei existimas auferendam? allegatur, Imperatori licere omnia, ipsius esse vniuersa. Noli te grauare, Imperator, vt putes te in ea quę diuina sunt, Imperiale aliquod ius habere. Noli te extollere; si vis diutius imperare, esto Deo subditus. Scriptum est: ^b Quę Dei Deo, quę Cæsaris Cæsari. Ad Imperatorem palatia b pertinent, ad sacerdotem ecclesię. Publicorum tibi mœnium ius commissum est, non sacrorum. Iterum dicitur mandasse: Debeo & ego vnā basilicam habere. Respondi: Non sibi licet illam habere.] hęc sanctus Ambrosius ad Valentinianum orthodoxum & bene Catholicum Imperatorem, matris Iulianę tamen instantia cau-

sam

*a Theod. hist.
lib. 5. c. 32.*

fam agentem Atianorum, qui eo quod vi sibi vnam ecclesiam vendicare tentavit, licet dimiserit: cito citius expertus est, quod Sanctus fuerat comminatus, ut tyranni gladijs confossus desierit imperare. Quod sanctus Ambrosius in Occidente, id ipsum præstitit sanctus Ioannes^a Chrysostomus in Oriente. Cum Gaina tyrannus peteret dari Constantiopolim ecclesiam vnam; & ad hanc concedendam Imperator inclinaretur Arcadius; restitit vtrique Chrysostomus, Imperatori scilicet, quod promitteret, quod sub iure suo non esset repositum; & tyranno, quod male peteret, quod non esset Imperatoris.

b Lib. 5. c. 182.

Sed non solum id tanti professi sunt sacerdotes, sed etiam ipsi modestissimi Imperatores. Nam illa Occidentalis Imperij culmina, Augustissima; æque ac robore militari potentia, simulq. doctrinarum sacramenta conspicua, Carolus & Ludovicus, cum sacerentur super ecclesias nullum sibi vendicandum esse dominium, vere legitimi laudati sunt Imperatores, ut qui lege scripta professi sunt, non tantum in ecclesiarum constructione aliquod ius non esse concessum Imperatoribus, sed neque absque Episcopi licentia domus suæ Oratorij construendi habere aliquam facultatem. quod probe cognitum pragmatica sanctione ita relinquere voluere testatum, his verbis: ^b Placuit nobis, ut (sicut ab Episcopis & reliquis sacerdotibus, ac Dei servis admoniti fuimus) ne capellæ in nostro palatio, vel alibi sine permisso Episcopi, in cuius est parochia, fiant. Si igitur nec capellam vnam & in suo palatio ædificandi absque licentia Episcopis tantum Imperatores facultatem se habere testati sunt; quomodo ædificandi ecclesias, & alia religiosa loca dandi licentiam, vel negandi, vos ita vobis arrogatis auctoritatem?

Verum habetis vos, quo magnopere gloriemini, habetis quem ostendatis vestræ legis auctorem Nicephorum Phocam Constantinopolitanum Imperatorem, qui reperitur vestræ similem condidisse legem, quam ob eius turpitudine oportuit promulgasse elegantioribus fucatam coloribus. Ac plane talem vos imitatos esse hominem, est ut ex hoc magnopere erubescatis, utpote monstruosum, sædum, tam Græcorum, quam Latinorum historicorum, & Luitprandi Episcopi Cremonensis apud eum legatione perfundi stylo exagitatam, & ad summam turpitudinem denigratam, atque infamissime deformatam, Huius Imperatoris, inquam, de his constitutione extat, sed decurtata apud Theodorum Balsamonem, integra vero in codice Iuris Græcorum libro secundo Nouellarum constitutionum Imperatorum, quam ob nimiam deformem, & execrabilem prolixitatem hic describere prætermisimus. consulat ipse Lector, si libet, eximie turpitudinis monumentum, sed & Græcorum fontibus per vos tamquam a Solone atque Lycurgo depromptum. quam quidem tot coloratam fucis sanctionem quis ipso primo eius intuitu,

uita, meretricio deceptus ornatu, contemnendam esse putarit? Sed mala quæ secum plurima vexit, prudentiorem successorem reddidit Imperatorem. Vepote quæ primum quidem auctori suo pepererit clades immensas, parauerit Imperium funestissimum, & tandem eidem attulerit mortem acerbissimam. Sed nec finis malorum in nece promulgatoris, verum quamdiu sanctio illa non sancta, sed impia viguit (quod fuit spatium annorum vigintitrium) vicens iugiter ipsa fuerit pestis totius Imperij, quod disertis verbis testatus est, qui eam abrogauit Basilius iunior Imperator, cuius constitutio a Theodoro Balsamone sic breuiter recitatur:

Diuinitus constituta maiestas nostra, cum & a monachis, quorum testata pietas ac virtus est, & ab alijs multis cognouerit, legem a domino Nicephoro vsurpatore Imperij de ecclesijs Dei, religiosisque domibus latam cum presentium malorum, tum vniuersalis huius subuersionis atque confusions causam & radicem extitisse, velut non ad iniuriam, contumeliamque duntaxat ecclesiarum & religiosarum domuum, sed ipsius quoque Dei conditam: cumque adeo res ipsa sic comparatum id esse compererit (nam ex quo lex ista robur habuit, nihil boni penitus in hodiernam vsque diem ætatis nostræ contigit, sed potius e contrario nullum omnino genus calamitatis intermisit) statuit per religiosam hanc auream bullam, cui subscripsit, legem illam prius latam ab hoc presenti die cessare debere, ac deinceps irritam, nulliusque momenti manere: conditis ante ipsam legibus, tam de ecclesijs Dei, quam religiosis domibus vim & robur suum obtinentibus, quas & illustres aui maiestatis nostræ, & pater eiusdem & abauus optime ac religiosissime promulgarunt. Vtque sancta & immutabilis esset hæc constitutio: propria manu subnotatam, aureo quoque sigillo subsignari iussimus mense Aprilis, die quarta, Indictione prima, anno ab origine mundi sex millesimo quadringentesimo nonagesimo sexto.] est annus Salutis nouingentesimus octogessimus septimus. Audistis, maioris fuisse auctoritatis apud Imperatorem Basilium aliquot monachos petentes ab eo legis sacrilegæ abrogationem, quam apud vos summam dignitatem tanti Pontificis, id sæpius litteris rogantis, & comminationibus postulantis? Toleraturus ergo ne ipse erat id genus legis vestræ, quæ etsi non aliunde, ex sui antiqua origine magnam secum afferret infamiam: quam etiam ut omnium malorum fontem successor pius Imperator obstruxit?

Vultis & de his in Occidentalibus oris exemplum audire lugubre, historiam audire tetram, quanta secum attulit danina vna equita ab Imperatore sanctio aduersaria ecclesiasticæ libertati? Audite breuiter, quæ malorum atrocitate longiori ambitu circumducenda esset oratio. * Valentianus eius nominis nouissimus Imperator, anno Redemptoris quadringentesimo quinquagesimosecundo,

a. Nouel. Vallæ
tit. 12 de Episc.
indictio 10.

a Dan. 8.

ubi post prostratum anno superiori in Gallijs Attilam, legem illam ignominiosissimā tulit, qua ecclesiasticum tribunal penitus tolleret: tur: mox secundum illud Danielis: ^a Datum est illi robur propter peccata,] eiusdem Attilæ excisa potentia adeo rursus viruit & reffloruit, vt eodem anno exciderit Aquileiam, aliasq. Galliz cisalpinæ nobilissimas ciuitates attriberit, & nisi obitum passus esset Romanum Pontificem sanctum Leonem, eius fenestralis accensa flamma vniuersa Italia conflagrasset. Ita plane euidenter fuit demonstratum exemplo, nihil aliud fuisse, præscripsisse Imperatorem leges contra ecclesiastica iura, quam hostes erigere iam bello prostratos in extremum totius Imperij, quod paulo ante fuerat victorijs clarissimis illustratum. Nam & post eandem latam legem, alij & his maioribus fuit gladiis labefactatum, Vrbe ipsa a Genserico capta, nec desiere mala, quousque pessima illa, sans malorum omnium, lex permanfit. Audistis quæ Oriens, quæ & Occidens clament de sanctionibus aduersus Ecclesiæ iura editis, tunc nimirum ruere Imperium, cum ipsæ vigeant. Et vos qui ex Aquileiæ cineribus orti estis, caute ne ex eadem causa in cineres reuertamini. ^b Iam transcamus ad aliam legem per vos male sanctam de non relinquerdis ecclesijs, vel personis ecclesiasticis bonis immobilibus absque Senatus vestri licentia, cuius causa etiam commercuistis ex communicatione percelli. Ita plane vos estis in ijs secuti eundem execrandum Nicephorum Imperatorem, in cuius constitutione verba ista legistis: Itaque ab hoc tempore nemini liceat nec fundos, nec agros, nec loca, monasterijs, aut gerocomijs, aut xenonibus quomodocumque transmittere, adeoque nec alicui metropoli, vel Episcopatu &c.] quam legem vt Imperio damnosissimam, vt audistis, Basilius Imperator summa detestatione penitus abrogauit: Cuius vel tantum originem ostendisse, confutasse est, & abrogationem apposuisse, est exposuisse palam opprobrio. At scimus pariter, & antiquitus vetitum legibus Imperatorum, ne quid caperent clerici testamento viduarum. Reperitur enim ^b Valentinianus vna cum Valente & Gratiano Imperatoribus sanxisse eiusmodi legem, sed tamen non sine Damasi Papæ conuiuentia, ad cohibendum scandalum & auaritiam clericorum, per sanctum ^c Hieronymum sæpe declaratam, & per sanctum ^d Ambrosium deploratam. Sed eam ^e Marcianus Imperator amplissime reuocauit, cum capta Vrbs esset a Vuandalis, quasi ob iniquas leges Imperatorum tanta clades ab irato numine inferretur. Illud demum sic habeto (ne in his diutius immoremur) nullam hactenus promulgatam fuisse legem, eamque publicis tabulis indictam ad communem populi vsum, quæ contra iura Ecclesiæ esset, quin fuerit contrarijs legibus abrogata. Stabunt ne vestræ? cum scriptum sit: ^f Omnis plantatio, quam non plantauit Pater meus, eradicabitur?] minime gentium. Vel stare non poterunt

b Lib. 2. de Epif.
c cler. in G.
Theod.

e Hier. ep. 2. 3.
22.

d Ambros. ep. 31.

32. & serm. 7.

e Marcio. No.
uelli. sit 5.

f Matth. 15.

runt quæ edificata sunt supra potestatem leges ecclesiasticas; super verbum Domini, ipso calce etiam firmiores? siquidem scriptum est: *a Luc. 6. b Matth. 24.* Cælum & terra transibunt; verba autem mea non præteribunt? Stabunt, stabunt; inquam, & verbo Domini consolidata, eo quod *c Idem. 16.* nec portæ inferi præualebunt aduersus eas. Porro per inferi portas interpretati sunt plures sanctorum Patrum, potentiam secularem Principum iniquorum.

His præ litteris Apostolicis præmissis, iam vestras, atque primum illas ad Ecclesiarum Præsules a Duce datas inspiciamus. Quis existimare potuisset, tantum Ducem tot tantorumq. beneficiorum recens a Sede Apostolica perceptorum adeo profunda teneri potuisse obligatione; quorum saltem vinculis contineri in officio debuisset, ne adeo ab ipsa pertinaciter resliret? Recens memoria est, cum vobis oppressis tyrannide Ottomannica, iacturam passis insulæ Cypri, amissuris proximæ Cretæ, inhiante tyranno ad extremam vestri domini eversionem; Sedis Apostolicæ Præsul sanctissimus Pius Quintus sacro fœdere summa potentia in summa difficultate diuinitus concinnato, adeo admirandæ victoriæ fuerit auctor, & retinendæ libertatis adiutor. Cuius erga vos adeo ingentis impensæ beneficentiæ & munificentiæ largitatis transferunt opera ad successores, relicta adeo Ecclesia obstrata, ut eris alieni dissoluendi reliqua nulla sit spes, oppignoratis redditibus ecclesiarum. Cuius beneficii si memores, si grati (quod & Ethnici faciunt) fuissetis, quæque grauissima ab eadem sancta Sede vobis imposita perpeti potius, quam ab ea auersione schismatica scindi debuissetis. Audite quæ vos immense redarguat vere summo Principi digna ipso Carolo Magno sententia, vna cum alijs sacris legibus promulgata: In memoriam, *d Dist. 13. c. 3.* inquit, beati Petri Apostoli honoremus sanctam Romanam & Apostolicam Sedem, ut quæ nobis sacerdotalis mater est dignitatis, esse debeat ecclesiasticæ magistræ rationis. Quare seruanda est cum mansuetudinis humilitas: Et licet vix ferendum ab illa sancta Sede imponatur iugum; tamen feramus, & pia deuotione toleremus. J hæc ipse.

Dux autem vester, quod ad salutem, non ad interitum promulgatum est in vos de illata excommunicatione decretum; nulla suæ salutis, vel suorum habitæ ratione, mox contumaciæ plenas, contemptu referas eas ad Præsules litteras dedit, quarum sola memoria vestra posteritas sic suffundenda pudore. Sed quid erit iuxta Sapientem? Id quod fuit: quod & ita scriptum legitur in sacris oraculis: Sedes ducum superbiorum destruxit Deus, & sedere fecit mites pro eis: Radices gentium superbiorum arefecit Deus, & plantauit mites pro eis ex ipsis gentibus. J Quod fecit, facturus est semper Deus, apud quem nulla est acceptio personarum, ut par pari feriat vindicta delictum, nisi vincens Deum poenitentia intercedat.

Ad quam capessendam ut vos adeo resiliences reddamus procliuiores, prouocandum est ad maiorum exempla, quibus innoscat, quantopere minorum quoque Episcoporum sint reueriti summi Duces utcumque latas excommunicationis sententias. Tempore Honorij Imperatoris Bonifacius Comes, dux totius exercitus tantæ erat auctoritatis, ut eius tantum nutu vniuersum Imperium contremisceret. Cum esset in Africa, atque Hippone scelestissimum hominem confugientem ad ecclesiam e liminibus raptum detrussisset in carcerem: sanctus Augustinus hæc audiens ad ipsum per breues mox has litteras dedit, quibus absque aliqua citatione, vel commotione præmissa, sententiam excommunicationis intorsit:

• August. epist.
6. in Appen.

Miror quomodo tam subito fidei murum aries ruperit inimici. Noui enim qua religione semper sis Ecclesiam Dei veneratus. Quo instigante, frater, hominem de ecclesia rapuisti? Tuus si de tuo amico forte præsumeret fugitiuus, posset proculdubio intercessoris causa veniam promereri. Ergo si amicus intenditur, cur Deus offenditur? Sed si de potestate præsumitur, Nabuchodonosor Regem intende, qui causa superbiæ in bouem est ex homine commutatus. Non ut confundam te, hæc scribo, sed ut filium meum charissimum moneo. Ecclesie igitur illæsum reuoca, quem ut irreligiosissimum rapuisti. Oblatio vero domus tuæ a clericis ne suscipiatur, indixi, communionemq. tibi interdico, donec peracta pro ausibus vel errore a me definita tibi met poenitentia & tempore condonato, pro hoc facto corde contrito & humiliato dignum offeras sacrificium Deo.] hæc ad Bonifacium Comitem Augustinus, erectus ad ultionem sceleris vigore sacerdotali. Quid ad hæc respondisse putas, tantum Comitem, ducem exercitus, sic ab Augustino flagris censuræ ecclesiasticæ verberatum? Audi redditam ad eum epistolam his ipsis verbis:

Hamilis saluto, quod primum est: Suscepi autem tremens sanctitatis tuæ verba verberibus plena. Scio quod veni præparaturus, qui ab Augustino perfectissimo sacerdote corripitur: nec debet Episcopo denegare quod voluntas facit aut casus. Ipse enim sibi denegat curam, qui suam medico non publicat causam. Hominem, ergo, piissime Pater, e liminibus ecclesie raptum tuis sanctis aspectibus iussu meo, furorq. subduxit. Alieno non sunt facta ista consilio, Dei & Sanctorum eius regimine vino. Illum itaque virum morte dignissimum, quem (ut dixi) meus de ecclesie foribus furor abstraxit, vitæ tuis inuisionibus donamus illæsum. Agnosco culpas, indignæ meæ lacrymæ iungantur tuis fletibus iustis, quo possit hæc nota, nigro inscripta titione, deleri. Ecclesie mihi introitus non negetur: illic spero veniam, ubi admisi culpam. Oblatio vero domus meæ (ut tua sanctitas iussit) ad cælestis Regis mensam eius manibus offeretur.] hæc Bonifacius, deferens in omnibus sacerdoti;

sicut & Stylico sancto Ambrosio, æque petenti reddi sibi delinquentem ab altari euulsium Cresconium, qui timore percitus ob vindictam militibus diuinitus illatam, qui suo iussu sacrilegium perpetrarant, per multos dies per pœnitentiam (vt ^a Paulinus ait) eidem sancto Episcopo satisfaciendum curauit. Addimus his & tertium exemplum de Andronico Præside Pentapolis in Aegypto, qui eo quod suum edictum conuicijs plenum in ecclesia suspendisset, a Synesio Ptolemaidis Episcopo, collecta ibi Synodo, nulla prorsus citatione commonitus, terribili anathematis sententia percussus & magistratu abdicatus, magna animi submissione pœnitentia præuia admitti ab Ecclesia, a qua exclusus fuerat, multum rogauit. hæc quæcum Arcadius imperaret in Oriente.

a Paulin in vita S. Ambros.

At quid ex plurimis paucos memorem clarissimos præfectos prouinciarum, cum & ipsi Imperatores & Reges magnam inde sibi gloriam compararunt, quod a pontificibus percussi sententia anathematis, haud contumaces sunt eisdem aduersati, sed obsequentes eorum mandatis, vt ex qua pulsi erant, in ecclesiam admitterentur, nihil prætermiserunt humilitatis officij, atque pœnitentiæ impositæ disciplinæ; vt qui primus inter eos initiatus est Christiana religione ^b Philippus Augustus, Theodosius Imperator, & post alios multos, quos breuicatis causa prætermittimus recensere, qui apud vos veniam ab Alexandro Papa humili obsequio promernit Fridericus: vnde summam peperit sibi laudem, & conciliauit honorem. Sicut e contra illi ingentem contraxerunt infamiam, & ignominiosum adepti sunt nomen schismaticum, aut hæreticum, qui contra stimulum calcitrantes, relictati sunt disciplinæ, exulantes ab Ecclesia, redditi etiam cælestis gloriæ exheredes, excusantes excusationes in peccatis, & reijcientes culpam in Pontificis austeritatem: vt fecisse reperitur, & suis ipse Dux vester testatus est litteris.

b Euseb. hist. lib. 6. c. 27.

Quibus quidem primum de S. D. N. vehementer expostulans queritur, quod missus ad eum a se Legatus ipsius aures reperisset occlusas. At quid? Num quia exauditus non est, auditus non fuit? Hoc certe nemo negarit, cum alioquin nec audiri meruerit, qui non obediturus aduenerat, sed contradicurus Pontifici, vt exitus declarauit, secundum illud Osee: ^c Vnusquisque non iudicet, & non arguatur vir: populus enim tuus sicut hi, qui contradicunt sacerdoti,] profundum id malorum esse significans, cum non obeditur, sed contradicetur sacerdoti. vbi in eandem sententiam sanctus Hieronymus: ^d Nunc quia in sceleribus perseverant, & impudenti Deum, fronte contemnunt, audiunt: Non est necesse, vt veniatis ad iudicium, vt in vestris flagitijs arguamini; quia tantæ estis impudentiæ, vt nec conuicti quidem pudorem habeatis & verecundiam.] hæc & alia sanctus Hieronymus. Secundum ista & ^e Nicolaus sanctissimus Pontifex prohibuit Lotharium Regem venire Romam ad dicendam causam,

c Osee 4.

d Hiero. in Ose. c. 4.

e Nicol. ep. 27.

o 55.

a Nicol. ep. 9.

causam, ut quod non mereretur audiri, qui hæcenus sæpe monitus, mandatis Pontificijs obedire contempnisset, licet promississet sæpius, se omnibus præceptis Pontificijs pariturum. Nam in epistola ipsius Nicolai^a ad Ludouicum & Carolum Francorum Reges hæc post multa: Ipse quidem Lotharius nobis & vobis per Imperiales Legatos mandauit, quod Romam vellet venire. Cui interdiximus, & omnino interdiximus, ut iter talis, qualis nunc est, non arripiat, eo quod S. R. E. talem respuat, & contemnat, & in hoc perseueret, quod late in toto diffusum est orbe.] quod scilicet vxore abiecta, pellicem introduxit. At quid æquius videri posset, quam si Rex reus suam præsentiam iudici exhiberet? Sed quia admonitionibus Pontificijs non obtemperasset: reijcitur ut indignus qui se conferat audientibus ad Apostolicum thronum. subdit demum: Quod si, inquit, contra propositum nostrum forte præsumperit venire Romam: minime cum qua cupit honestate vel hic suscipietur, vel hinc profecto regredietur.] Quid igitur expostulat Dux missum a se Legatum oclusas reperisse Pontificis aures, cum obspretas tot antea præcedentes admonitiones eiusdem summi Pontificis, nec ipse Dux, exemplo Lotharii Regis, admitti debuisset in Urbem, ne dum ad ipsius Pontificis audientiam? Ita quidem, si tanti prædecessoris exemplo sanctitate atque scientia eminentissimi res tractanda fuisset: ut nihil sit penitus, quod queri possitis, etiam si Legatus vester nullatenus fuisset auditus. Vel si agendum fuisset exemplo Alexandri Tertij Romani Pontificis, qui Legatos Regis Angliæ missos, excusaturos Regem ipsum, quod mandatum non dedisset de inferenda nece sancto Thomæ Cantuariensi Archiepiscopo (quod reuera non fecerat) negatus est tamen illis ab ipso Papa auditus, quousque iuratoria cautione adhibita ex parte Regis promississent, Regem ipsum omni obseruantia & obedientia subiturum iudicium in omnibus Apostolicæ Sedis, eiusdemque in omnibus sententiæ pariturum. Qua ratione neque vester Legatus admitti debuisset ad audientiam, quem sciret Pontifex non ad parendum, & iurandum obedientiam, sed ad refragandum, & contradicendum a vobis missum fuisse.

Quoniam vero peculiare est malis Principibus, qui Apostolicæ Sedis iudicium vitare conantur, aliquid excipere, quod vel saltem contemptum pariant iudicanti, ut illud maxime, quod prima celeritate præcipitauerit sententiam, potius quam ex præscripto canonum seruato ordine iudiciario, tulerit. Fuit olim ista querela Michaelis Imperatoris aduersus eundem, de quo supra, Nicolaum Pontificem; qui redarguens ipsum ostendit, satis esse, absque aliquo seruato iuris ordine summo Pontifici, si quomodocumque rem compertam habuerit, & quomodolibet delinquentes Principes commouerit; & si non parerent, absque alio ordine iudiciario in contemptores vel contumaces excommunicationis sententiam ferat: idque facti-

facitari solitum ab ipsis, si quid aduersus Principes emerferit contentionis. Adeo^o vt nulla possit legitima esse querela aduersus Sanctiss. D. N. Paulum Quintum, qui in eos commonendo multus fuerit, & nihil omnino profecerit. His itaque dilutis obiectionibus, iam quæ post hæc in ipsdẽ Ducis litteris ad Præsules subijciantur, videamus.

Sunt plene huiusmodi, quod ab exordio nascentis Ecclesiæ ab his qui se Catholicos profiterentur, contumaciores esse datas nullus inueniunt: quippe quæ acerbissimo sint refertæ contemptu. Sed quæ in execrabiles contemptores Paulus^a Apostolus ingerat, & vos per-
tingant, audite: Videte, inquit, ne superueniat vobis quod dictum est in Prophetis: Videte contemptores, & admiramini, & disperd-
mini, quia opus operor ego in diebus vestris, opus, quod non crede-
tis, si quis narrauerit vobis.] Nempe quod desinetis esse quod estis, dum male queritis esse super Ecclesiam, quod efficere non potestis. De vobis namque eadem pertractantibus illud diuinitus scriptum oraculum esse sciatis: Qui^b habitat in cælis irridebit eos, & Domi-
nus subfannabit eos.] hi namque, vt vos, aduersus Dominum, & ad-
uersus Christum eius, nempe præsidentes ipsis sacerdotes illa dice-
bant: Dirumpamus vincula eorum, & proiciamus a nobis iugum
ipforum.]

Quid aduersus summum sacerdotem sibi arrogat quisque quan-
tumlibet summus Princeps? Etenim cum reuera laicus tantum sit,
ouis est ex grege Petri, seu potius ovis fœtus. Siquidem quod Chri-
stus dixit^o ad Petrum: Pasce oves, pasce agnos: per oves rectores
ecclesiarum interpretati sunt Patres, per agnos ex eis in Christo ge-
nitos reliquos Christianos. Audi compellantem te^d (quisquis es
transgrediens terminos tuos) Apostolum Paulum, & dominium
tuum iustis limitibus adeo coarctantem, vt extra eos qui sunt tibi
subditi, nullam in reliquis te habere sentias potestatem, vt eos
iudices. Tu quis es, inquit, qui iudicas alienum seruum? domino
suo stat, aut cadit.] Si alieni serui abripitur tibi Apostolica denun-
tiatione iudicium: quomodo præsumere poteris alterius fori non
tibi subiectum saltem iudicare clericulum? quomodo diaconum, vel
sacerdotem? quomodo Episcopum? & (quod horrendum dictu)
quomodo tua sententia condemnabis, & non horresces Archiepi-
scoporum, vel Patriarcharum sententias iudicare; ac denique
(^o quod & monstrum atque portentum Luciferi est) dices: Mi cæ-
lum conscendam, super altra Dei exaltabo solium meum, iudicabo
iudicia Christi Vicarij, latas ab ipso sententias nullas esse propria
denuntians auctoritate definiã; quod & fecisti. Sed sic eleuatus cer-
tum casum expauesce, qui subditur: Verumtamen ad infernum de-
traheris, in profundum laci,] adeo vt magno te scias periculo, si-
cut magno piaculo diuina tentasse, tribunalq. illud diuinitus con-
stitutum

^a Act. 13.

^b Psal. 2.

^c Ioan. 21.

^d Rom. 14.

^e Isai. 14.

a 1. Cor. 6.

b Dan. 13.

c Cyprian. epist.
65.

d Idem. ep. 69.

stitutum super cælum exaltatum; eius retractando sententiam per-
uasisse. Sed audi te absterrentem Apostolum: ^a Nescitis quia
Angelos iudicabimus: quanto magis sæcularia?] Venerandum quod
est Angelis, quomodo Principibus non reuerendum, quod contem-
pisti tribunal, & contumelijs affecisti? Danielis ^b thronum circum-
stabant Angeli vindices: Petri Cathedram deferet custodia Angelo-
rum vlciscantium quidquid peccatur in eam?

Sed nulla grauior pœna peccati ipso peccato, quo & nullum gra-
uius impietate, quam parit contemptus, & alit. Nam audi sanctum
martyrem ^c Cyprianum, vbi redarguit diaconum contemnentem
Episcopum: Hæc sunt, inquit, initia hæreticorum, ortus atque cona-
tus schismaticorum, male cogitantium, vt sibi placeant, vt præposi-
tum superbo tumore contemnunt. Sic de Ecclesia reciditur, sic al-
tare profanum foris collocatur, sic contra pacem Christi & ordina-
tionem, atque vnitatem Dei rebellatur.] porta igitur est hæc, quam
aperit falsa iustitia, ex qua progressus patet in hæreses ex contem-
ptu, de quo alibi: ^d Inde enim schismata & hæreses obortæ sunt, &
oriuntur, dum Episcopus, qui vnus est, & ecclesiæ præest, superba quo-
rundam præsumptione contemnitur, & homo dignatione Dei hono-
ratus, indignus hominibus iudicatur. Quis enim hic est superbiæ tu-
mor, quæ arrogantia animi? &c.]

Sed quantum te deserat, & procul abhorreat iustitia quam præsu-
mis, vt omnes intelligant, quæ sunt abs te posita contra sententiam,
Apostolica Sedis, hic reddamus: Ais in primis, contra omnem ratio-
nis formam litteras Apostolicas esse conceptas, & aduersus id quod
diuina Scriptura, Patrum doctrina, & sacri canones docent, esse
conscriptas. Sententiam vero excommunicationis iisdem Apo-
stolicis litteris promulgatam, non solum iniustam esse, & inde-
bitam, sed etiam nullam, nulliusq. momenti illegitime fulmina-
tam, nullo iuris ordine seruato.] ista leguntur in illis totidem,
verbis expressa. sed singula percurramus. Contra omnem ratio-
nis formam, & scita sacrarum legum litteras aduersus vos ab Apo-
stolica Sede datas affirmas. Hic cogimur inuiti in memoriam reuo-
care, quæ per vos & vestros ministros perperam perpetrata, diu
multumq. dissimulata sunt ab Apostolica Sede; deplorata tamen
semper, dum nulla penitus emendatio sequeretur: quæ, si ex sacro-
rum præscripto canonum res agenda fuissent, guttas pluuiæ fulmi-
na anathematis superassent. Quot vidimus Romæ miseros exulan-
tes Episcopos, vobis subditis ciuitatibus præfectos, dira persecu-
tione vexatos, cum obrutam reuocare in lucem tentarent ecclesia-
sticam libertatem? Quot clericorum inferioris ordinis perlata
sunt iugiter querelæ, de foro ecclesiastico intercepto, & expila-
tis bonis ecclesiarum, sublatis iuribus, inuasis ecclesijs, violato sa-
cro asylo frequenter? Qui annuntiatus frequentior Apostolicarum
littera-

litterarum contemptus, ipsius vero in primis Bullæ in Cæna Domini promulgari solitæ violatio, & cum violatione despectio? Pretermittimus verba contumeliosa, falsa dictoria, arguta scommata, irrisiones & inuectivas, quibus iugiter exagitare consueverunt vestri S. R. E. Clerum, isthæc iugiter perpeti assuetum, non parcetes ei, qui Christi loco, ipsius voluntate, primarium thronum obtinet, summo Pontifici: ut pudeat nos ista referre, quæ vos inferre delectet. Hæc & alia id genus plurima sæpe ingesta, & audita, frequenter sunt pacifice, & æquo animo adeo tolerata a prædecessoribus elementissimis, v. ipsi iam sua ipsorum patientia verteretur opprobrio, cum a nonnullis aduersus eos zelo Dei æstantibus illud Dominicum iactaretur: ^a Simon dormis? Attamen passi sunt ^a Marc. 14. potius infimulari torporis, quam periclitari in Sede Apostolica; tolerantiam; expectans cum ^b Apostolo, si quando daret vobis ^b 2. Tim. 2. Deus penitentiam ad cognoscendam veritatem, & resipiscentiam a laqueis diaboli. Vbi vero cognitum est, etiam firmitate legum per vos vestra obfirmata esse peccata: haud amplius tolerantia tempus visum est, sed diuisionis & combustionis, dicente messioribus patrefamilias illud Euangelicum: ^c Colligite zizania, & alligate ^c Matth. 13. ea in fasciculos ad comburendum.]

Hic perpendite, an contra omnem rationis formam (quod obtenditis) diuinamq. Scripturam, ac doctrinam Patrum, & sacros canones custos sacrarum legum Romanus Pontifex, post diu dissimulatum patientiæ somnum, tandem vindex euigilauerit: cum eidem omnes militent rationes, diuina aspirent oracula, Patres faueant, consentiant sacri canones, quorum vos omnium contemptores, omni destituti sacrarum legum præsidio, in illud absurdum impegistis, dixerim & monstruosum, vtpote hæcenus a Catholicis intentatum, a schismaticis tantummodo; & ab hæreticis usurpatum, ut laici cum sitis (quod neque sibi Episcopi in Concilijs arrogarunt) pronuntiare audeatis, ipsam in vos promulgatam excommunicationis sententiam a summo Pontifice esse iniustam, indebitam, nulliusq. momenti, atque illegitimam, vtpote (quod subiectionis) nullo seruato iuris ordine latam. Vnde tanta vobis auctoritas, ut iudicetis Iudicem vniuersorum, quem nullum hæcenus Concilium legitime congregatum ausum est iudicare, cum ab eo omnia œcumenica Concilia acceperent auctoritatem, ut absque eius sententia ipsa nec œcumenica dici, aut indici potuerint; nec in eis sancti canones alicuius fuerint firmitatis; in quibus & frequenter sit conclamatum: Prima Sedes a nemine iudicatur: & Pontifici dictum: Tua te sententia purga, vel damna. Ista cum fuerint hæcenus summa religione custodita: quomodo laici hominis sententia labefactantur, ac petitis infringuntur?

Quis audiens ista, non cum ^d Ezechia mox illud exclamet: ^d Isai. 37.

a 4. *Reg.* 19. Blasphemix dies hæc ?] & sicut ille ^a Rab facis litteras impias attulit in templum, & expandit eas coram Domino : ita quicumque fidelis, in cuius manus eadem ipsius Ducis litteræ contumaces atque proterux peruenierint, legeritq. horrendas blasphemias effusas in contumeliam Apostolicæ Sedis, & contemptum eius, qui in ea ^a Christo per Spiritum sanctum magno miraculo positus sedet Petri successor, Christi Vicarius Paulus V. inferat eas in basilicam Petri, admoueat Confessioni ipsius, ibidemq. expandens eas, illatam tantam contumeliam eius Cathedræ clamet, & deploret iniurias, ipsumq. inuocet suæ ipsius, quam ^a Christo regendam accepit, Ecclesiæ defensores ? vltiores insuper appellet sanctissimos conditores canonum, & defensores ipsorū Ecclesiæ Romanæ Pontifices, & Sanctos omnes, in quorum omnium despectum præsumpta tanta abs te esse noscuntur ? Qui cum adeo contemperis thronum, in quo habita ratione connexionis membrorum cum capite, ipse Christus insedit : noueris summo damno tuo in petram impigisse ; de qua primum sit dictum in Psalmo : ^b Absorpti sunt iuncti petræ iudices eorum.] & ^a Domino de eadem ; ^c Qui ceciderit super lapidem, istum, confringetur ; super quem vero ceciderit, conteret eum,] ea nimirum contractione atque contritione, de qua iam dixerat ibidem verbis illis apertissimis : Auferetur a vobis regnum Dei, & dabitur genti facienti fructum eius.] Petra autem ipsa, quouis impetu agitetur, verbo Domini confirmata, nullam sit vniquam passura iacturam. Vera ne sint ista, periodus milenorum ac sexcentorum annorum Christi regnantis edocet, quam innumeris impetita contrarijs petra ista, ferro & igne tentata, sæpissime, nullam ipsa senferit, sed plurimam intulerit laceffentibus læsionem.

b *Psal.* 140.
c *Matth.* 21.

Quomodo autem ausus es pronuntiare illegitimam, iniustam, ac dicere excommunicationem esse nullam, quæ auctoritate non caruerit pronuntiantis, cui nec alia necessaria defuerint ad actum legitimum conducentia : vnde omnes istæ tuæ de nullitate exceptiones necesse sit euanesce ? cum inducatur pariter necessario ex præmissis, nullo pacto dici posse eandem esse sententiam excommunicationis nullam vel iniustam, sed omnibus esse consentientem Ecclesiæ iuribus, & exemplis : quam neque indebitam (vt inique asseris) illegitimamve (vel vt male inferis) aut nullius esse momenti (vt manifestissime erras) asserere quisquam poterit, nisi cui Fides Catholica male oleat, & sit Primatus ipse Petri contemptui, existimetq. cum hæreticis recentioribus, Romanæ Ecclesiæ priuilegia non esse a Christo, sed ab Imperatoribus, cum Patres & sanctissimi martyres, ^d Irenæus, & ^e Cyprianus, qui ^f Fabiani locum, Petri locum appellat, ^g Optatus Mileuitanus, sanctus ^h Hieronymus, sanctus ⁱ Augustinus, Fulgentius, sanctus ^k Leo Magnus,

^a *Iren. lib. 3. c. 3.*
^e *Cyprian. de vnus. Eccl.*
^f *Idem epi. 52.*
^g *Optat. contra Par. lib. 2.*
^h *Hier. ep. 57. 58. 59.*
ⁱ *Aug. ep. 165.*
^g *cōtr. ep. Mar. c. 4. & contr. par. tes Donati.*
^k *Leo epi. 55.*
^{89.} *& in homi- lijs frequenter.*

gnus, Gelafius, ^a Ioannes Papa & martyr in epistola ad Iustinianum, Vigilus ad eundem, ^b Gregorius Magnus, & denique omnes, quorum fastidio est immensum numerum recensere, omnes inquam tam Occidentales, quam Orientales confessi sint Patres, auctoritatem a Christo acceptam ad Romanos Pontifices per Petrum esse transfusam: eorumdemq. omnium vna eademq. sit sententia, Primatum Romanæ Ecclesiæ per Petrum a Christo descendere. Vnde omnes semper negarint ipsi Romani Pontifices, præsertim vero Gelafius, Bonifacius, Nicolaus, & alij posteriores, neque per Synodos, neque per Imperatores Romanam Ecclesiam, esse, quod est, caput omnium Ecclesiarum, & super omnes auctoritate pollentem; sed tantum Christi promissione, quod & omnes sunt professi successores ipsius, ac denique omnes, quotquot nomen Catholicum meruerunt: vt ista negasse, sit omnino ab Ecclesia Catholica exulasse, & cum hæreticis Nouatoribus collegisse; quorum mentis obruta argumenta repereris abundanter in Annalibus Ecclesiasticis confutata.

Christi igitur priuilegio roborato Petri Apostolatu, eadem promissione vniuersa eiusdem est roborata successio, de qua ad Anastasium Imperatorem Gelafius post alia, de iisdem dignissime sicut iustissime prædicata: Impeti, inquit, possunt humanis præsumptionibus quæ diuino sunt iudicio constituta, vinci tamen quælibet potestate non possunt.] præfatus hæc antea: Et si cunctis generaliter sacerdotibus, & recte diuina tractantibus Fidelium conuenit corda submitti: quanto potius Sedis illius Præsuli consensus est adhibendus, quem cunctis sacerdotibus Diuinitas summa voluit præminere?] Cuius despectus quanti sit criminis, inde inferas, quod etiam miniorum Episcoporum, censuris ecclesiasticis rem agentium contemptus, sic afficit contemptores, vt indignos eos reddat ipso nomine Christiano. Nam accipe quæ Gregorius ^c Magnus ait, quem & citat ^d Nicolaus Papa: Si vero sunt qui dicunt, quia compulsus quispiam necessitate, si anathematizatus fuerit, anathematis vinculo non tenetur: ipsi sibi testes sunt, quia Christiani non sunt, quia ligamenta sanctæ Ecclesiæ varijs existimant conatibus soluere &c.] Quod si obtentus necessitatis nec sufficit, vt quis inuvalidam, vel nullam fuisse excommunicationem dicere possit, quo eam contemnat: vtique multo minus si iniusta fuerit, sponte sua contemnere aliquis debet.

Est plane vulgata illa Scriptorum omnium recepta sententia, excommunicationem siue iustam siue iniustam esse timendam, ac minime contemnendam: quod velut firmissimum axioma ecclesiastica custodiuit antiquitas. Vt quod iam ab omnibus vbiq. & semper probari possit assertum, nulla prorsus habenda sit ratio; si quisvis magni nominis homo his quidpiam contrarium visus sit

^a C. de sum.
Trinit. & Fide
cath. 4.
^b Greg. Mag. lib.
4. ep. 32.

^c Greg. lib. 9. ep.
39. propositum.
^d Nicol. ep. 9.

*a Vinc. Lirin.
contra hares.*

asseruisse: quem penitus contemnendum esse, his verbis docet Vincentius ^a Lirinensis magnę existimationis antiquius Theologus, dicens: Ille est verus & germanus Catholicus, qui veritatem Dei, qui Ecclesiam, qui Christi corpus diligit, qui diuinę religioni, qui Catholicę Fidei nihil præponit, non hominis cuiuspiam auctoritatem, non amorem, non ingenium, non eloquentiam, sed hæc cuncta despiciens, & in Fide fixus & stabilis permanens, quidquid vniuersaliter antiquitus Ecclesiam Catholicam tenuisse cognouerit, id solum sibi tenendum, credendumq; decernit: quidquid vero ab aliquo deinceps vno præter omnes, vel contra omnes Sanctos nouum & inauditum subinduci senserit: id non ad religionem, sed ad tentationem potius intelligat pertinere.]

b 1. Reg. 15.

Via hæc regia, ambulandum per eam: declinans vero per contemptum ad dexteram, vel sinistram, magnam sibi, in quam incidat foueam parat. Inobedientiæ enim pariens contemptum, reatam contrahit quouis alio grauiorem. siquidem diuina Scriptura testatur: ^b Quoniam quasi peccatum ariolandi est repugnare, & quasi scelus idololatriæ nolle acquiescere.] Contra vero summā est laude digna simplicitas iusti, qui timens culpam, ubi non est culpa, innocentiam integram seruat, & grātiā auget. Hinc laudatur pietas Theodosij iunioris Augusti, qui non iniustam tantum, sed quæ nulla penitus erat, vtpote excommunicatio lata ab homine petulante, cuius nulla erat: prorsus excommunicandi auctoritas, ita exhorruit, vt neque cibum sumere vnquam sustinerit, quousque ab eodem, a quo eiusmodi nulla excommunicatio progressa esset, benedictionem consequeretur. Sed audi breuiter ipsam historiam memoriū dignam, quam ^c Theodoretus recitat his verbis: Vir quidam excolens vitam monasticam, animo paulo audaciore præditus ad Imperatorem rei cuiusdam petendę gratia accedit. Quod cum sæpius fecisset, Imperatori ecclesiastica interdixit communio, vinculoq; Ecclesię ei iniecto decedit. Imperator autem fide cum primis excellens, ad palatium veniens, cum tempus instaret conuiuii, & omnes conuiux adessent, dixit se non prius capturum cibum, quam Ecclesię vinculo solueretur. Proinde vnus ex familiarissimis ad Episcopum mittit, vt potestatem faciat ei, qui ipsum ligauerat, vinculo soluendi. Cum autem Episcopus respondisset, non debere cuiusque vinculum admittere, significassetq; eum solutum esse: non tamen solutione illa contentus fuit, donec ille, qui eum ligauerat, magno cum labore, conquisitus, communioni illum restitueret: huiusmodi erat Imperatoris erga leges diuinas fides. Iohannes Theodoretus, & quidem factum representans laude dignissimum: siquidem totum impensum est pietati, quidquid ex nimia scrupulositate videri poterat esse progressum. Odoratus est autem in sacrificio Dominus

*c Theod. hist.
lib. 3. c. 37.*

*d Theod. hist.
lib. 3. c. 37.*

Ad Rempubicam Venetam . 29

odorem suauitatis , qui pro ipso aduersus barbaros atque tyrannos pugnans , ipsi integrum atque floridum conseruauit Imperium , atque feliciter propagauit . At iam , quod ad Ducis litteras spectat , satis .

Quod autem pertinet ad litteras Senatus , contra eandem excommunicationem publice datas ad populum : quod in eodem argumento versentur , eadem remaneant confutatae responsione . Ceterum simillimum plane id genus litterarum esse scias illi , quod male usurpatum a Michaelae Imperatore , a Nicolao ^a summo Pontifice ita describitur , & condemnatur : Tantis erat epistola verbis contumeliosis , immo blasphemijs respersa , vt scriptor eius non nisi in gutture colubri calamum tinxisse putetur , & dictatoris labia pro dictionibus venena fudisse videantur : adeo vt si cuiuspiam simpliciorum cor penetrent (non enim hæc aures prudentium suscipiunt) hunc continuo necent , nimirum tanto miserabilius , quanto mors animæ magis quam corporis per illum virulentum haustum admittitur .] Ex quibus vt aliqua promamus , ac simul promendo eadem confutemus antidoto , necando , quod possit necare , venenum : habetur in eis in primis quod mordeat Clerum , & sugillet pios , nimirum querela , quod (vt aiunt) sagacitate ecclesiasticorum , & simplicitate piorum , quarta iam pars esset alienata Veneti dominij bonorum immobilium . Sententiam plane dignam non religiosissimo vestro Senatu Veneto , sed Anglicano conuentu , qui apud vos est , vbi in odium Catholicorum Fidelium eiusmodi solent effutiri diceria . Vnde dicere cogar : ^b Anathema in medio tui est Israel .] nec est quod parere aliquid boni possit , immo non est malum , quod ex ea malorum secunda propagine germinari non valeat . Quis aliquando orthodoxorum detraxit concionatori suadenti Fidelibus eleemosynas frequentare ? Manichæum hunc fuisse oportuit , eiusmodi impietate respersum , qui nolit suaderi debere fidelibus , quod diuinis Scripturis faciendum , frequentioribus sententijs sermo diuinus inculcat . Sed & quis Catholicorum inuentus hætenus , qui bona sua erogantes siue in restitutionem , collabentium ecclesiarum , siue in edituorum alimoniam , quod factum liquet a quamplurimis viris sanctis , hos , vt vos , simplices non nominarit , quos ^c Redemptor noster , eo quod negotiari vtiliter seauerint , prudentes appellat ? vt qui didicerint pecunia trahere cælum emere , & redimere temporarijs æternitatem , & ^d transferre thesauros in cælos , vbi neque erugo , neque tinea demolitur , atque facere sibi ^e amicos de mammona iniquitatis , a quibus in æterna tabernacula recipiantur . Quibus & competat nomen non adulerinæ , sed veræ simplicitatis , qua Iob ^f simplex & rectus , ac ^g Iob 1 . timens Deum laudatur , & Daniel , quod in simplicitate liberatus ^h 1 . Mach . 2 . est de ore leonum ; & Pauli ⁱ Apostoli admonitione doceamur dicentis :

^a Nicol. ep. 9.

^b Ios. 7.

^c Matt. 24.

Luc. 12.

^d Matib. 6.

Marc. 10.

Luc. 12. &

18.

^e Idem. 16.

^f Iob 1.

^g 1. Mach. 2.

^h Rom. 12.

centis : Qui tribuit, tribuat in simplicitate. Sancta plane simplicitas, non quæ penes vos sonat fatuitatem, qua sugillatis omnes, qui bona sua reliquerunt ecclesijs : qua contumelia suo damno Mauritius Imperator sanctum Gregorium legitur perstrinxisse.

Addis insuper de viris ecclesiasticis, quod otiose fruantur bonis ecclesiarum, partis populi totius sudoribus : sed cum neminem excipiat, cum sint ex ijs complures, quos certum est digne in Evangelio laborare, ad Deum pro populo puras leuare manus; satis apparet, oculum ^a esse nequam, ante quem totum corpus appareat tenebrosum, cum nec intueri possit, nec distinguere filios lucis a filiis tenebrarum. Sed pœniteat vos hac in re esse imitatos Iulianum Apostatam, qui ijsdem incessabat calumnijs seruos Dei; qui & sicut est ipse Deum expertus ultorem, vos pariter sentietis execrandi sceleris vindicem, qui lædentibus seruos suos acerbissime comminatus est, dicens : ^b Qui tetigerit vos, tangit pupillam oculi mei.] Sed hæc leuissima sunt, & nullius fere momenti respectu eorum, quæ mox inferius aduersus omnes ecclesiasticos euomistis, quæ etsi vera fuissent, vestris publicis litteris nequaquam, spargenda erant in vulgus, sed omni reuerentia contegenda, cum noueritis filios Noe ^c retrorsum incedentes, & caute obtegentes verenda patris, benedictionem esse consecutos; Cham autem perpetuo maledictum, cuius vos exemplum sectatos par pœna condemnati, nisi vera pœnitentia crimen diluat, quod faciendū hortamur.

Quod si vos adeo seueri exactores, paucorum delicta cōuertitis in vniuersos; plane grauissime inde peccatis, cum vno fasce iustos comprehendatis cum iniustis, eosdemq. pari affectos ignominia pari censeatis dignos esse supplicio : vt omnes quidem in vos exclament tantæ arbitros iniquitatis. Si vero adeo sancti videri vultis, vt pati non possitis quempiam Ecclesiasticorum extra disciplinam sacrorum canonum euagari : laudarem zelum, si esset secundum scientiam, quæ docet naturæ exemplis, admixta segeti zizania crescere, & donec ventiletur, grano paleam esse commixtam, monetq. ex alijs innumeris Scripturæ diuinæ sententijs, & quod potissimum est, docet exemplo Christi summæ sapientiæ Patris, qui in numero duodecim Apostolorum passus est vnum ex ijs furem esse, & proditorem, atque sacrilegum, insigniorem ceteris peccatorem, qui fuerint aliquando, vel in æternum futuri essent : ne quis adeo miraretur, vel scandalum pateretur, si forte contingeret in eius Ecclesia quemlibet duodecimum sacrorum ministrorum instar Iudæ reperiri omnium sceleratissimum; quod absit, vt possit asserere quispiã. Sed & si vere absque calumnia diceretur : ad Christi exemplum, quo tuto teneremur asylo, esset legitime prouocandum. Non tamen ista dicimus, vt eiusmodi delinquentes saluos esse velimus, sed acerrime puniri per suos iudices, vestros conci-

Ad Rempubicam Venetam . 31

ues, p̄fectos ecclesijs sub vestro dominio constitutos Episcopos, ad hoc ab ipsis Romanæ Ecclesię Pontificibus veltrates electos, vt cum non per alienos, sed per vosmetipfos cuncta administrari videretis, sineretis cuiumque foro iura habenti distincta, eidem esse salua .

Sed his omiſſis, iam illæ ipsæ litteræ, quibus adeo multipliciter & enormiter peccatum est, tamquam e portis inferi proditæ, in vltionem expansæ ad Petri Confessionem, in obliuionem perpetuo silentio complicatæ, scissæ in redargutionem audacissimæ scissionis, vt mendaces & contumaces, calumniosæ atque proteruę, quibus ita ignominiose Romanam Ecclesiam impetistis: eandem excipiant digne sententiam, qua his similes litteras Michaelis Imperatoris blasphemias & calumniosas Nicolaus * Pontifex condemnauit igni tradendas, his pronuntiatam ab ipso verbis: Decernentibus nobiscum & simul * considerantibus iisdem sanctissimis fratribus & Coepiscopis nostris, ipsam epistolam (seu potius ipsas epistolas) in stipite videntibus cunctis suspensas, vasto supposito foco, ad vituperium vestrum coram omnibus nationibus, quæ penes Memoriam S. Petri multiplices inueniuntur, extremæ perditioni donabimus . Quatenus his rite patratīs, disceat pius quod amet, & crudelis quod timeat.] hæc Nicolaus. quæ & facta sunt sub eiusdē Nicolai Pontificis successore Hadriano Pontifice tam de litteris Imperatoris, quam de Photij Patriarchę . Maneat ergo suo robore constans sententia Nicolai, qua in contumaces & calumniosas litteras Michaelis Imperatoris est iudicatum, & p̄iudicatum in vestras illis similes, & alias quascumque eiusdem generis litteras contigerit exarari: quas semper respuit, nec lectione quidem dignas existimauit antiquitas veneranda . hinc de his ad Cornelium Cyprianus: ^b Viderint qui vel furori suo, vel libidini seruiētes, & diuinæ legis, & sanctitatis immemores, iactitare interim gestiunt, quæ probare non possunt; & cum innocentiam destruere ac expugnare non valeant; satis habent, fama mendaci, & falso rumore maculas inspergere. Certe quod P̄positis & sacerdotibus congruit, danda est opera, vt talia cum a quibusdam scribuntur, per nos respuantur . Porro hæc fieri debere ostendimus, si quando talia quorundam calumniosa temeritate conscripta sunt, legi apud nos non patimur.] hæc acerrimus vindex existimationis Apostolicæ Sedis, & qui federet in ea Romani Pontificis, martyr gloriosissimus Cyprianus . ac de vestris litteris hætenus .

Quoniam autem fortasse contigerit, vt aculeata Parænesi vos queramini a nobis esse perstrictos: ad illam prouoco vos sacrorum Prouerbiorum sententiam: ^c Meliora sunt vulnera diligentis, quam fraudulenta oscula odientis .] in memoriam reuocando, quod scripsit lacrymans Ieremias, inde videlicet populo florentissi-

^a Nicol. ep. 9.

^{*} al. confidentibus

^b Cyprian. ep. 42.

^c Prov. 27.

mo, & ciuitati amplissimæ excidium prouenisse, quod (vt ipse inquit) Prophetæ non aperiebant tibi iniquitatem tuam, vt te ad pœnitentiam prouocarent.] Vnde maximi loco emolumenti ducere debeatis, si hortando, monendo, rogando, & arguendo vestra ad curationem peccata detegimus, quorum, dum latent, sit prorsus desperanda sanatio. Quamobrem vt dicam cum Apostolo: *a Philip. 3.* Eadem scribere, mihi quidem non pigrum, vobis autem necessarium. Videte canes, videte malos operarios, videte concisionem.] Nempe cauete hæreticos, quos & habetis inter vos habitantes, & eisdem conuiuentes prauos Catholicos, concisionem suadentes, nimirum ab Ecclesia Catholica scissionem. Qui scindit, scindatur ipse, acclamatum est sæpe in Concilijs œcumenicis, secundum illud propheticum: *b Quæ fecit, facite illi.*] nempe vt qui scidistis Ecclesiam Dei, patiamini ipsi in Republica vestra scissuram. Admoneat vos periculum vestrum: exterreat perditio vestra. Periculum, inquam, quod Deus ob leuiorem populi in sacerdotem contemptum conuertit iratus in regnum, sanctam ipsam quam instituerat Rempubicam inter Hebræos. Audite scribentem ad Rogatianum Episcopum, sanctum *c* Cyprianum gloriosissimū martyrem, & ista ex diuino oraculo sic deducentem: Cum Samuel sacerdos a Iudæorum populo ob senectutem, sicut tu modo, contemneretur; exclamauit iratus *d* Dominus, & dixit: Non te spreuerunt, sed me spreuerunt. Et vt hoc vlcisceretur, excitauit eis Saul Regem, qui eum iniurijs grauibz affligeret, & per omnes contumelias & pœnas superbum populum calcaret, & premeret, vt contemptus sacerdos de superbo populo ultione diuina vindicaretur,] dum ipso- rum Rempubicam sua Deus plantatam manu rautauit in regnum. hæc vos pericula vitanda moneo.

Exterreat vero vos magis, quam dixi timendam, perditio vestra. Nam cum grauius peccatum, grauius supplicium iure exigat; & vtique cum insolentius & contumeliosius agitur in sacerdotem; grauiorem consueuerit Deus inferre vindictam: quæ igitur manere putatis vos damna, qui adeo enormiter peccastis in eum, qui loco Petri sedet in Apostolica Sede, Christi Vicarium? immo in Christum ipsum peccastis, dum eius tunicam inconsutilem (quæ est Ecclesia) schismate conscidistis. Sit vobis in exemplum Saul, cum contempto Samuele, eius spretis iussis, vendicauit sibi quod sacerdotalis muneris esset: quem & passus redarguentem, vt abeuntem retineret inuitum, ipsius scidit pallium *e* recedentis, cum & de ultione mox accepit oraculum, Samuele ad ipsum dicente: Scidit Dominus regnum Israel a te hodie.] Et quod ea sententia, non esset quauis pœnitentia reuocabilis, ista horrore plena verba subintulit: Porro Triumphator in Israel non parcet, & pœnitudine non flectetur: neque enim homo est, vt agat pœnitentiam.] & quantum-

*a Philip. 3.**b Ierem. 30.**c Cyp. ep. 65.**d 1. Reg. 8.**e 1. Reg. 15.*

quantumlibet dixerit Saul ipse: Peccaui, non fuit dignus audire,
 vt David reprehensus a Nathan: ^a Et Deus tranſtulit peccatum
 tuum.] nec vidit poſt hæc amplius Samuelem perditionem ipſius
 fruſtra lugentem. Quæ ipſa in exemplum perfidorum Principum
 iura Eccleſiæ inuadentium ^b Damascenus aduerſus Iconomachos
 agens inducit, atque ait: Regum eſt ciuiliſ adminiſtratio: eccle-
 ſiaſtica vero conſtitutio Paſtorum atque Doctõrum. Impetus iſte
 latronum eſt, fratres. Saul ſcidit pallium Samuelis. Et quid ei
 contigit? Abſcidit regnum eius Deus.] Abſcidiftis vos, & conſci-
 diſtis in fruſta tot ſciſſionibus, quot inobedientijs contumacibus
 Chriſti tunicam in Romano Pontifice. Quid non timendum? vel
 non pauendum? Fiat, rogo, Deus ipſe miſericors & placabilis vo-
 bis, in omnibuſq. propitiuſ, ſicut cum per Ieremiam ^c commina-
 tuſ eſt populo, dicens: Inſanabilis fractura tua, peſſima plaga
 tua:] & tamen eodem contextu inferius ſubdit: Obducami cica-
 tricem tibi, & a vulneribus tuis ſanabo te, dicit Dominuſ.] Non
 enim obliuiſceturi miſereri Deus. Expiate igitur culpam, crimen
 abluite lacrymis pœnitentiæ.

Erigite inſuper animos, rememoramini ^d priſtinos dies, in qui-
 bus illuminati magnum certamen ſuſtinuiſtis, quando non com-
 miſcuiſtis voſ ſchiſmaticis, ſed arctiſſimo glutino vnitatis Romane
 inhæſiſtis Eccleſiæ; ob idq. paſſi grauiffima a Longobardis, & a
 contribulibus veſtris, quo nomine ab Honorio Romano Pontifice,
 datis ^e ad comprouinciales Episcopos litteris, Veneta Reſpubli-
 ca, Chriſtianiſſima ab eodem fuerit appellata, inſigni gloriæ titu-
 lo, nonniſi de Romana Eccleſia bene merenti conferri ſolito. Sed
 & præter egregium titulum quid præterea fuerit eadem Reſpubli-
 ca Veneta virtutis merito ab eadem Sede Apoſtolica conſecuta,
 glorioſe prædicat Gregoriuſ ^f Septimuſ, ſic ſcribens ad Domini-
 cum Ducem & populum Venetiarum: Scitis enim, quoniam præ
 multis terrarum partibus diuina diſpenſatio terram veſtram Pa-
 triarchatuſ honore ſublimauit, cuiuſ dignitatis eminentia ex ſui
 ipſiuſ nominis & officiij prærogatiua adeo auguſta & rara eſt, cum
 non amplius quam quatuor in toto mundo reperiantur.] & infe-
 rius: Poſt Apoſtolicam Sedem, omnibuſ quæ ſunt in Occidente,
 gentibuſ clarioreſ extitiſtis.] Vnde autem tanta vobis gloria,
 Pontificiſ monimentis adeo celebrata, niſi ex ſchiſmatis odio im-
 placabili, & Romanæ Eccleſiæ pace & vnitatem tenaciſſima compa-
 rata? Propagata vero felicioribus, ſicut & maioribus incremen-
 tiſ, cum iridem maiores veſtri, veſtræ Reipublicæ decuſ & orna-
 mentum, in ſummo diſcrimine conſtituti, cum dubia lance ſuſpen-
 ſuſ penderet orbis, & Principatuſ illi viderentur penituſ interi-
 turi omneſ, qui audaciſſimo Principi, ſchiſmatico Imperatori Fri-
 derico Aenobarbo aduerſuſ Romanam Eccleſiam contra Alexan-

^a 2. Reg. 12.

^b Orat. 2. Ioan. Damasc.

^c Ierem. 30.

^d Hebr. 10.

^e Habetur p. Tom. Annaliuſ hec Anno 630. prope fin.

^f Lib. 2. ep. 35.

a Rom. 4.

b Hebr. 11.

drum Pontificem non iungerentur : ijdem vestri generosissimi predecessores, vere Christi fideles , in spem^a contra spem credentes, elegerunt^b affligi cum populo Dei potius, quam regnare cum Ecclesiæ Romanæ hoste obstinatissimo Pharaone . Sicq. iuncti tunc fœdere cum Longobardis, facti sunt omnes simul Romanæ Ecclesiæ defensores , schismatis vero fortissimi euersores, honestissimo patefacto aditu ad suam ipsorum Rempublicam Christianissimam augendam, conseruandam, ac solidandam . Quibus a Domino tunc datum est, vt in ipsorum primariam Venetam ciuitatem trophæa inferrentur partæ victoriæ; quando & facti sunt ipsi nobilissimi ciues tanti Pontificis exceptores, exhibitores etiam triumphi omnium præstantissimi, sed & munificentissimi in expensis, promptissimi in obsequijs, in custodijs solertissimi. Vnde sibi celeberrimam a mortalibus cunctis immortalemq. gloriam compararunt , illustrata tunc mirifice eadem ciuitate manubijs Augustalibus, magis vero Pontificijs aucta fulgoribus, & sacris locupletata muneribus, e penu cælesti largissime, Deo manum suam aperiente, profusus : honoris insuper titulis consignata perennibus, illis vero præcipuis, ex quibus præstantissimi ciues eius iure nominati sunt, schismatis euersores, vnitatis Catholicæ defensores, pacis conciliatores, fundatores quietis, atque Romanæ Ecclesiæ susceptores, ac protectores .

At quoniam modo audent insurgere eiusdem Reipublicæ hostes audacissimi, tantæ gloriæ euersores, vt contrarijs factis tenebrosa obducant ista caligine ; aspergantq. ignominijs, quæ tot tantisque sudoribus parta, sanguine comparata est, auitam gloriam ? Cum autem consueuerint in quauis bene instituta Republica iuniores æmuli esse maiorum ; nec pati ab antiquioribus suis esse, degeneres, quos & factis egregijs superare contenderint : quoniam modo^c spiritus vertiginis exagitaui Principes sapientes, vt ab Ecclesia Romana (quod pro monstro habendum) adeo pudenda contradictione defecerint ?] Potuitne istud fieri, vt a Petro scinderetur schismate Marcus, a patre filius, a magistro discipulus, ac minister assiduus, & vbique fidelis ? Qui enim olim maximo lucro vestro, nonnisi odio schismaticorum reliquit a se fundatam ecclesiam Alexandrinam : maximo quidem damno vestro, si sic perstiteritis (quod Deus auertat) vos relinquet, & Petro fixus in hærens, eius Vicario assidebit, & assurgat in opus , contra schismaticos & hæreticos collaborans .

Aliena vos pericula moneant. consuevit post scissionem desolatio sequi . Donatus in Africa schisma confluuit, a quo Donatistæ denominati fuere, qui vbi incurabiles redditi frequentiori lapsu , dati sunt omnes iusto Dei iudicio vna cum Africana prouincia Vuandalis primum, atque demum in excidium sempiternum Arabibus.

c Isai. 18.

bibus . In Oriente non solum quam diximus, Alexandrina, sed & reliquæ sedes Patriarchales, vbi schismate se ab Ecclesia Romana sciderunt, scissæ sunt pariter a protectione diuina, datæ omnes in captiuitatem, & ignominiosissimam seruitutem nefandæ Turcarum genti, sub cuius iugo ferreo hæcenus indies magis magisque teruntur: in primis vero Græci ipsi auctores schismatis, exigente pœnas diuini acerbitate iudicij, vt palea sub plauistro ferrato teruntur, & conterentur quousque desinet esse ^a neruus ferreus ceruicis eorum . Ad quod tam grande malum anteuertendum, egregie laborauit suo tempore, quo sumpsit exordium Photianum schisma, Basilius Imperator, qui in diuino illo confessu Oſtæux æcumenicæ Synodi, Spiritus sancti gratia congregatæ, ad præsentem ibi schismaticos egregiam habuit orationem, quam adhuc integram conseruant Acta synodica: ex qua aliqua saltem hic vt describantur, a nobis exigit importune rerum & temporum opportunitas . Audite quæso tunc illis tantum, sed nunc vobis ipsis Imperatorem diuino prorsus afflatum Spiritu perorantem :

a *Iſai.* 48.

Vos quoque, inquit, qui curatione indigetis, ac medela opus habetis, pretiosa membra Christi, etsi nescio quomodo a malo dæmone detenti, a capite, nempe a Romano Pontifice separati estis: Vitis vera, quæ propter contentionem importunam, immo vero iniustam, in amaritudinem conuersa es: Amici ^b & proximi nostri, etsi propter odium irrationabile ex aduerso appropinquant & stantes, ac vnitatem respicientes . Suscipite admonitionis sermonem (non autem confundor dicere) etiam deprecationis . In id enim nos adduxit misericordia, quam circa vos habemus . Scrutamini intima conscientiarum vestrarum, & inuenietis vos male ab Ecclesia esse disunctos . Nouissima hora est, & Iudex pro foribus est, fratres: ne præoccupemur ab eius Ecclesia sequestrati, & longe ab illius gloria projiciamur . Nihil turpe ducamus, passionem manifestare, & vulnus ostendere, ac locum pœnitentiæ & medicinæ requirere, atque intra atrium saluantium fieri; ne confusionem obedientiam arbitrando, confusionis æternæ sumamus experimentum . Qualis autem hæc est confusio, fratres, procidere Deo, & veniam expetere? Deo enim procidunt, qui Ecclesiæ & spiritualibus istis Patribus procidunt . Confusio quidem reuera est & maximus pudor, immo vero in Deum dimicatio, nolle vnumquemque proprium, confiteri peccatum, & humiliari propter Christum, & lucrari & se & multos .

b *Pſal.* 37.

Si autem omnino hoc confusionem arbitramini: ego, cui Imperij superposita est corona, forma vobis efficiar huius optimæ humilitatis . Ego qui imperitus & insipiens sum, bonum initium ero vestrum qui sapientes estis, & scientia clari . Ego qui in peccatis volutatus sum, primus vobis typus fiam, qui mundi estis, &

virtuti operam datis. Ego primus memet super pauimentum, proijcio, purpuram & diadema paruipendens : ascendite ad genas meas, & super oculos meos incedite, nec reputetis magnum, Imperatoris calcare scapulas: nec reuereamini pedibus tangere verticem, cui superimponitur a Deo donata corona: omnia patri promptum habeo, & agere promptius, quæ vobis quidem confusionem, mihi autem gloriam, & maximam claritatem conferre videntur. Neque enim in hoc curam gero gloriæ meæ, tantum ut videam communionem, vnitatem, & vnam ecclesiarum festiuitatem, tantum ne animæ detrimentum patiar, & gaudeat super me, ille omnium inimicus diabolus, captiuum sumens, quod mihi desiderandum est, tantum spei meæ lampas inperate non extinguatur, per quam festinabam communi illustrari lætitia & gaudio!

Nescio quod erat satagendum & efficiendum, & non feci; vel quos proponendos admonitionis & deprecationis sermones, & non proposui. vos de cetero videbitis. Innocens enim sum a perditione vestra. Si vero & ad magnum & horrendum illud Iudicium futuræ diei vos remittitis, quasi pro vobis rationem duros: noscite quia bene noui, quia nullus vobis iustitiæ sermo siue hic adest, siue illic aderit; nisi quantum in hac controuersia inuentum extiterit. Verum si vultis ante illud Iudicium, conscientia vestræ interrogare iudicium: dicetis amplius nihil, quam quod ab Imperio nostro dicitur. Deponite igitur contentiones, fratres, & resumite amorem fraternitatis: fugite dissensionem, & vnitatem amplectimini: odium auertite, & dilectionem in sinum recipite: state cum probabilibus, & capiti compaginamini. Recipite per obedientiam diuinæ communionis gratiam, & nihil ob sæcularia sitis solliciti. Sunt enim apud compatiensissimum Imperium nostrum suspensionum modi diuersi, per quos consolabimur, & incessanter, quæ secundum sæculum vobis opportuna fuerint, faciemus. Rursus multimode decertabimus, obsecrantes, rogantes, & omne ingenium commouentes ad spiritalis Patres nostros & Patriarchas, ut dispensent quid eorum quæ insunt animo vestro; tantum ne temere contra salutem vestram agatis. &c.] hæc & alia plura Imperator ad schismaticos Episcopos, sententia Romani Pontificis excommunicatione damnatos, hætenus in schismate permanentes.

Ista si spernitis, tanta charitate, atque animi demissione pronuntiata ab orthodoxo Imperatore, & eius contemnitis lacrymas: hostium proculdubio eritis audituri cachinnos, & ab æmulis eiusmodi ex diuina Scriptura iactari ludibria, & subsannari improperijs istis: Hæccine^a est vrbs perfecti decoris, gaudium vniuersæ terræ? Aperuerunt super te os suum omnes inimici tui,] addentes: ^b Quomodo facta est meretrix ciuitas fidelis plena iudicij?] Exprobrantes insuper cum derisione deliria in ætate decrepita

Reipu-

^a Thren. 2.

^b Isai. 1.

Reipublicæ senescentis, annisq. iam reliquas superantis; & quidem inexcusabilibus rationibus. Nonne delirium est aduersus Deum mortales bella suscipere, & contra diuinam institutionem audere laicos Dei ministris sacerdotibus dominari? Deliramentum quis esse negauerit, non curare, immo summe contemnere, habere loco ioci, immo & lucris, ab Apostolica Sede, ab ipsa Catholica Ecclesia excommunicatione esse præcisos? Deliratio nonne plane omnium maxima est, sperare extra Ecclesiam consequi posse salutem? At insuper quam grande illud delirium, Ecclesiam Romanam de vestra Republica semper bene merentem, conciliatricem Principum in sacrum fœdus, in bello sociam, in pace matrem, erga filiam propensiores, beneficentia largiore pandentem sinum frugum: eandem ab eiusdem filia: amplexu diuellere, ac diro schismate separare? cum id nihil aliud sit, quam eiusdem Reipublicæ neruos succidere, & caput amputare? Sed delirium plane risu dignum quis neget, velle contra stimulum calcitrare, & obstinato animo vrgeri, vt fronte feriat durissimam petram atque confringat? At non delirantis senis tantum, sed furentis insania animi signum illud est euident, pro titulis gloriæ infame schismaticorum nomen consequi labore, ac demum illud pudendum, quod ipsi adiacet, hæreticum. Sed & illud quidem grande delirium apparet omnibus, quod sub velamine libertatis, nectantur vincula seruitutis; connexa peccatis, testante id diuina * Scriptura, quæ euacuari non potest, quod qui facit peccatum, seruus est peccati, & quod funibus ^b peccatorum suorum peccans quisque ligetur: contra vero contemnatur vera libertas, quæ sanctæ religionis cupiat vincula salutaria, quibus tantum obligata, libera consistere possit, ac tuta, fortis, & permanens gloriosa, secundum illud ^c Ecclesiastici ita monentis: Inijce pedem tuum in compedes illius, & in torques illius collum tuum.] & sequitur: Erunt tibi, inquit, compedes eius in protectionem fortitudinis, & bases virtutis, & torques illius in stolam gloriæ, & vincula illius alligatura salutis.]

His vero & alijs id genus obiectantibus vestra gloriæ æmulis & aduersarijs, Respublica ipsa longiori senio effecta prudentior, mente sana, corde sapiens, ipsius nempe sanior pars ciuium, quod Anna Heli, iuste ista respondeat: ^d Nequaquam desipio, sed mulier infelix nimis ego sum: nec reputet me quis quasi vnā de filiabus Belial.] Nolens ipsa & inuita patior ista Politicorum pressuris suffocata nouantium. Respiciat iam Deus ignominiam meam, & iudicet.

At hic tandem finis esto. Sed doleo vehementer, quod absque, Valet. Ioannes ^e enim Apostolus id vetat facere, & cum eo omnis simul Ecclesia, quod indignos salutatione iuste iudicet eos, qui non communicantes Romanæ Ecclesiæ, omnis penitus sint salutis

expertes . Quod nolim putetis symbolum esse odij . Absit . Quis-
 nam est qui magis præcipiat & inculcet inimicorum dilectionem,
 ipso Ioanne ? Neminem odit Ecclesia, quæ inimicos diligendos es-
 se monet scriptis, & ingerit verbis ; sed quæ a Deo (vt ipsa ^a te-
 statur) charitatem acceperit ordinatam : quæ sunt Dei, diligit
 ipsa ; & peccata, quæ sunt extra & contra Deum, odio persequa-
 tur . Hinc Augustinus ^b scribens ad Maximinum Donatistarum,
 schismaticorum antesignanum, eadem ratione detestatus in ipso
 dirum schisma, inter alios titulos, quibus honorare fas est homi-
 nem extra Ecclesiam positum, nominat dilectissimum . Testis est
 mihi Deus, quomodo vos omnes cupiam in visceribus IESU Chri-
 sti, & hoc oro cum Apostolo, ^c Ephesios commonente, vt in Eccle-
 sia Catholica sitis vnum corpus, & vnus spiritus, sicut vocati estis
 in vna spe vocationis vestræ.] extra quam connexionem & vnita-
 tem nulla cuiquam penitus poterit esse salus, sed lugenda semper
 absque redemptione damnatio. Faxit Deus, vt sancti Spiritus gra-
 tia, dissipata illa caligine, qua obtexit Deus in furore ^d suo filiam
 Sion, arrideat nobis prior illa vestra serenitas ; & sidera errantia,
 e quibus procella tenebrarum seruata est in æternum ;] in firma-
 mento Ecclesiæ fixa resplendeant in æternum, secundum illud pro-
 pheticum : ^e Stellæ dederunt lumen in custodijs suis, & lætatae sunt,
 vocatae sunt, & dixerunt, Adsumus : & luxerunt ei cum incundita-
 te qui fecit illas.] Amen .

Sit autem vobis Parænesis hæc (vt sic perorem cum ^g Augustino
 ad Donatistas) correctio, si velitis : testis vero, & si nolitis.]

F I N I S.

